

A large, stylized white dove is the central graphic, set against a solid blue background. The dove is depicted in profile, facing right, with its wings spread upwards and outwards. The design is minimalist, using thick white lines to define the bird's form. The tail feathers are represented by several curved, overlapping shapes. The overall composition is clean and modern.

**NAZARENE**  
**ESSENTIALS**

SIASINO TAYO KEN NO ANIA TI PATPATIEN TAYO

**ILOCANO VERSION**

SPONSORED BY THE  
BOARD OF GENERAL SUPERINTENDENTS  
CHURCH OF THE NAZARENE

© Copyright 2015. All rights reserved. Church of the Nazarene, Inc.

All Scripture quotations, unless otherwise indicated, are taken from the Holy Bible, New International Version®, NIV®. Copyright ©1973, 1978, 1984, 2011 by Biblica, Inc.™ Used by permission of Zondervan. All rights reserved worldwide. [www.zondervan.com](http://www.zondervan.com) The “NIV” and “New International Version” are trademarks registered in the United States Patent and Trademark Office by Biblica, Inc.™

# NILAON

WELCOME TO NAZARENE ESSENTIALS

TI NAGTAUDAN TAYO A WESLEYAN-HOLINESS

TI SANGALUBUNGAN NGA IGLESIA

TI KANGRUNAAN NGA IPATPATEG TAYO

TI MISYON TAYO

TI KABABALIN TAYO A KAS NAZARENO

TI WESLEYAN A TEOLOHIYA TAYO

TI ARTIKULO ITI PAMMATI TAYO

TI PANNAKAAWAT TAYO MAIPAPAN TI IGLESIA

TI KLASE ITI GOBIERNO TAYO

TI IGLESIA: LOKAL, DISTRITO, KEN SAPASAP

NAGTITIPON NGA IGLESIA

TI KANGANGATOAN  
A LANGA ITI IGLESIA ITI DIOS  
DITTOY LUBONG KEN SADI LANGIT,  
KET NATIPONTIPONDA,  
ADDAAN DAYTOY  
PANURSURONA,  
KEN NAGKAYKAYSADA TI PANAGDAYDAYAW,  
NGEM TI GAPUNA DAYTOY  
KET TAPNO TULUNGANNA TI TAO  
NGA AGBALIN A KAS KALANGLANGA  
**ITI ANAKNA.**

**-PHINEAS F. BRESEE**

First General Superintendent Church of the Nazarene



WELCOME TO  
NAZARENE

# ESSENTIALS



Kidkiddawen dagiti baro a henerasyon a naespirituan a mangidadaulo ken dagiti umad-ado a namati a dagiti panursuro, pakaistoryaan, teolohiya, misyon, pondo ken nakaitipunan tayo ket mailanad ti ababa ken nalaka a maala a publikasyon—a naisurat ti nalaka a maawatan a pagsasao.

Ilawlawagna daytoy bassit a libro a mawagan iti Nazarene Essentials ti gapuna no apay nga adda ti Iglesia Nazareno a kas sangalubungan a denominasyon a mangiwarwaragawag iti mesahe iti Kinasanto ken tungtungpalenna ti Naindaklan a Panangibaon sigun ti Wesleyan-Arminian a tradisyon.

Para iti pastor ken laity ket isagsagut iti Nazarene Essentials iti maysa a wagas tapno mas maawatan tayo pay a nalaeng iti panggep iti iglesia nga iwaragawag iti mensahe a kinasanto ken iti misyonna a pagbalinen a kas ken Cristo a disipulo dagiti nanasyon.

Masarakan iti Nazarene Essential sadiay web. Mapan kayo laeng iti panid iti general superintendent a masarakan sadiay Nazarene.org wenno direkta kayo a mapan sadiay [www.nazarene.org/essentials](http://www.nazarene.org/essentials). Masarakan yo ditoy dagiti dadduma pay a literatura ken iti Nazarene Essentials a naipatarus iti naduma-duma a lenguahe.

Kas iti panangbasa ken panagadal yo iti Nazarene Essentials ket mas manaynayunan pay koma iti pannakaammoyo maipapan iti Iglesia Nazareno ken iti tarigagayna a situtulgog nga ibingaynao iti naimbag a damag ni Jesu-Cristo.

Note: Iti Nazarene Essentials ket maysa laeng a wagas a makatulong kadakayo tapno mas manaynayunan pay iti pannakaammo yo maipapan iti Iglesia Nazareno. Saan a kasukat daytoy iti Manual tayo, [www.nazarene.org](http://www.nazarene.org).





John Wesley, 1703-1791  
Nangibangon iti Metodista

# TI WESLEYAN-NASANTUAN A NAGTAUDANMI

Bigbigen iti Iglesia Nazarene a nagtaud isuna ken Cristo a kas “maymaysa, nasantoan, sangalubungan, ken apostoliko” nga iglesia ni Cristo ti “maymaysa, nasantoan, sangalubungan, ken apostoliko” nga iglesia, bigbigenna ti pakaistoryaan dagiti tattao iti Dios a kas nailanad sadiay Daan ken Baro a Tulag ken babaen kadagiti tattao iti Dios iti naglablabas a panawen, ti uray ania a pakakitaan iti iglesia ni Apo Jesus. Inawatna ti pakaibagaan iti pammati kadagiti umuna a lima a siglo iti Kristianismo a kas pakakitaan iti pammatina.

Makipagmaymaysa isuna ti damo nga iglesia ti panangikasabana iti Sao iti Dios, panangipaay kadagiti sakramento, minminterarina ti ministerio iti apostoliko a pammati ken aramid, ken ti panangisuro iti dispilina ti panagbiag ken panagserbi a kas ken Cristo. Makipamaysa isuna ti panangsalimetmet iti nasantoan a panakaawag ken ti naan-anay a debosyon ken Apo Dios, nga iwaragawagna babaen iti teolohiya a naan-anay a panagsanto.

Naipatawid kadatayo ti nakristianoan a tawid babaen iti 16th-siglo nga English Repormasyon ken iti 18th a siglo a Wesleyan a pannakapabara iti pammati. Babaen iti kasaba da John ken Charles Wesley, dagiti tattao ti entero iti Inglatera, Eskosya, Ireland, ken Wales ket nagbabawida kadagiti basbasolda ket naikkanda iti bileg para ti nakristianoan a panagserbi.

Daytoy a pannakapabara iti pammati ket mailasin babaen iti panagkasaba dagiti laiti, testimonio, disiplina, ken timpuyog iti nainget a disipulo a nabukel iti naduma-duma a bunggoy a maaw-awagan a “societies,” classes,” ken “bands.” Ti teolohikal a pakailasinan daytoy a Wesleyan a pannakapabara iti pammati ket: pannakapalinteg gapu iti parabor babaen iti pammati; naan-anay a pannakapasanto, wenna kinaanay a Kristiano, ken kasta met gapu iti parabor babaen iti pammati; ken ti pammaneknek iti Espirito ti pannakapatalged iti parabor.

Ti met naidum-duma a naipaay ni John Wesley ket ti pannakaiyunay-unay iti naan-anay a panagsanto kas naparaboran a bileg para ti nakristianoan a panagbiag. Naiwaras daytoy a panursurona ti entero a lubong. Sadiay Amianan nga Amerika ket naibangon iti Methodist Episcopal Church idi 1784 “tapno balbaliwanna ti Kontinente, ken tapno iwaragawagna ti mensahe iti Panagsanto ti daytoy a Lugar.”

Napabaro manen ti pannakaiyunay iti nakristianoan a panagsanto idi katengngaan iti 19th a siglo. Ni Timothy Merritt iti Boston, Massachusetts a kas maysa a mangtartarimaan ti nasuratan a Guide to Christian Perfection ket nag-interesado isuna maipapan ti daytoy. Indauloan met ni Phoebe Palmer iti New York City ti makunkuna a Tuesday Meeting para ti Promotion of Holiness. Gapu ti daytoy ket nagbalin isuna a maysa kadagiti kaykayat nga awisen dagiti kristiano a kas agsao, mannurat ken manangiyur-urnos ti pagiwarnakan. Idi met 1867, dagiti mangaskasaba a Metodista a da J. A. Wood, John Inskip, ken dadduma pay sadiay Vineland, New Jersey, ket nirugiannya ti atiddog ken agsasaruno nga kampo iti panaggigimong maipapan ti panagsanto nga iso ti nangigapito iti napabaro a panangsarak iti Wesleyan a panagsanto ti entero a lubong.

Impakpakaunay dagiti Wesleyan Methodist, Free Methodist, Salvation Army ken dagiti Menonita, Brethren, ken Quakers ti nakristianoan a panagsanto. Inyapan met dagiti ebanghelista daytoy a mensahe sadiay Alemanya, Inglatera, Scandinavia, Indiya ken sadiay Australia. Gapu ti daytoy ket ado kaditi nabangon a baro nga iglesia a mamati ti panagsanto. Kanayonna daytoy ti Church of God (Anderson, Indiana). Gapu ti daytoy ket immado dagiti iglesia, misyon kadagiti siudsiudad, ken timpoyog dagiti misyonario a mamati ti panagsanto. Nabukel ti Iglesia Nazareno gapu ti tartarigagay a pagmaymaysaen dagitoy bunggoy a mamati ti panagsanto tapno agbalin a maymaysa nga iglesia.



## Panagmaymaysa para ti Panagsanto

Idi 1887 ket binukel ni Fred Hillery ti People's Evangelical Church (Providence, Rhode Island). Simmaruno met ti The Mission Church (Lynn, Massachusetts) idi 1888. Idi 1890 isuda ken ti walo pay a kongregasyon sadiay New England ket binukelda ti Central Evangelical Holiness Association. Ni Anna S. Hanscome ket naordinaan iti 1892. Isuna ti kauunaan a babae a naordinaan ti Iglesia Nazareno.

Idi 1894-95, binukel ni William Howard Hoople ti tallo a kongregasyon a mamati ti kinasanto sadiay Brooklyn, New York nga iso ti nangbukel iti Association of Pentecostal Churches of America. Para kadagiti nangbukel iti Iglesia Nazareno ket parehas ti kayatna a saoen iti sao a "Pentecostal" ken "kinasanto." Idi 1896 ket nagtipon ti bunggoy da Hillery ken Hoople. Nangrugida iti misyon sadiay India (1899) ken sadiay Cape Verde (1901). Ni Hiram Reynolds nga iso ti mangidadaulo iti misyon ket binukelna ti kongregasyon sadiay Canada (1902). Nakadanun daytoy a bunggoy sadiay Nova Scotia agengga sadiay Iowa idi 1907.

Idi 1894 ket binukel ni Robert Lee Harris ti New Testament Church of Christ (Milan, Tennessee). Daytoy a ministerio ket pinalawa ti balona a ni Mary Lee Cagle agengga sadiay laud a paset iti Texas idi 1895. Binukel met ni C. B. Jernigan ti kauunaan nga Independent Holiness Church (Van Alstyne, Texas) idi 1901. Nagtipon dagitoy nga iglesia sadiay Rising Star, Texas (1904) nga iso ti nangbukel iti Holiness Church of Christ. Idi 1908 ket nakadanun daytoy sadiay Georgia agengga sadiay New Mexico, tultulunganna dagiti awan ti pagtaenganna ken dagiti agkasapulan, ulila nga ubbing ken dagiti saan a naikasar a nannanang, ken nakitiponda iti misyon sadiay India ken Japan.

Kakuyog da Phineas F. Bresse ken ni Joseph P. Widney ti agarup sangagasot a tattao ket binukelda ti Iglesia Nazareno sadiay Los Angeles idi 1895. Mamati da a dagiti napagsanto a Kristiano babaen iti pammati ket masapol a tuladenda ni Cristo ken ikasabada ti ebanghelio kadagiti marigrigat. Mamatida a masapol a maipaay ti panawen ken kwartada para ti kas ken Cristo a ministerio ken para ti pannakaisalakan dagiti karkararua ken dagiti agkasapulan. Limmawa ti ministerio iti Iglesia Nazareno sadiay West Coast iti Estados Unidos. Kanayonna pay ti dadduma a kongregasyon agengga ti dayaen a paset iti Illinois. Tinulunganna iti lokal a misyon sadiay Calcutta, India.

Idi October 1907 ket nagtipon ti Association of Pentecostal Churches of America ken ti Iglesia Nazareno sadiay Chicago, Illinois tapno urnosenda ti gobierno iti iglesia nga patas ti karbengan iti mangidadaulo ken iti kongregasyon. Ti akem dagiti mangidadaulo ket parang-ayen ken asikasoenda ti pagsayaatan dagiti naipatakderen nga iglesia, buklen ken pabilgen dagiti barbaro nga iglesia, ngem saanna a mabalin a biangan ti aramid iti nabukelen nga iglesia: Nakiraman ti delegado iti Holiness Church of Christ ti daytoy nga aramid. Inaramat iti Umuna a General Assembly ti nagan a naadaw manipod ti dua a bunggoy: daytoy ket ti Pentecostal Holiness Church of the Nazarene. Nabutusan a General Superintendents da Bresee ken Reynolds.

Idi September 1908, ti Pennsylvania Conference of the Holiness Christian Church nga idadauloan ni H. G. Trumbaur ket nakitipon kadagiti Petecostal Nazarenes. Idi October 13, iti maikadua a General Assembly a naaramid sadiay Pilot Point, Texas, karaman ditoy a panagtitipon ti General Council of the Holiness Church of Christ tapno pagmaymaysaen da dagitoy dua nga iglesia.

Iti Pentecostal Mission nga idadauloan ken binukel ni J. O. McClurkan sadiay Nashville idi 1898 ket intiponna dagiti tattao a mamati ti panagsanto sadiay Tennessee ken kadagiti kabangibang a luglugar. Nangipatulodda kadagiti papastor ken manursuro sadiay Cuba, Guatemala, Mexico, ken India. Idi 1906 ket napatalaw ni George Sharper manipod ti Parkehead Congregational Church sadiay Glasgow, Scotland gapu ti panangikasabana iti Wesleyan a doktrina iti Nakristianoan a panagsangto. Nabukel iti Parkhead Pentecostal Church, nabukel met dagiti nadumaduma a kongregasyon, ken naibangon met ti Pentecostal Church of Scotland idi 1909. Idi 1915 ket nakitipon iti Pentecostal Mission ken ti Pentecostal Church of Scotland iti Pentecostal Nazarenes.

Binaliwan iti makailima a General Assembly (1919) ti nagan iti denominasyon iti Church of the Nazarene. Iti gapuna daytoy ket saanen gamen a parehas iti kaipapananna ti sao a “Pentecostal” ti doktrina iti panagsanto a kas ti pannakausarna idi maudi a paset idi 19th a siglo nga iso iti pannakaibangon ti iglesia. Nagtalinaed a napudno ti denominasyon iti immuna a misyonna nga ikasaba ti ebanghelio iti naan-anay a pannakaisalakan.



General Assembly Pilot Point, Texas, USA, October 13, 1908



# TI SANGALUBUNGAN NGA IGLESIA TAYO

Ti kangrunaan a kababalin iti Iglesia Nazareno ket binukel dagiti damo nga iglesisa a nakaykaysa idi 1915. Adda daytoy ti sangalubungan a kababalinna. Tultulunganen iti denominasyon dagiti nabukelen nga iglesisa sadiay Estado Unidos, India, Cape Verde, Cuba, Canada, Mexico, Guatemala, Japan, Argentina, United Kingdom, Swaziland, Tsina, ken Peru. Idi 1930 ket nadanun nan ti South Africa, Syria, Palestino, Mozambique, Barbados, ken Trinidad. Dakkel ti naitulong dagiti mangidadaulo nga umili dagitoy a pagilian. Kaspangarigan da V. G. Santin (Mexico), Hiroshi Kitagawa (Japan), ken Samuel Bhujbal (India). Napatalgedan pay ti sangalubungan a kababalinna babaen kadagiti barbaro a naitipon ng iiglesia.

Idi 1922, indauloan ni J. G. Morrison ti ado a trabahadores iti Layman's Holiness Association ken ti nalablabes ngem 1,000 a kamkameng sadiay Dakotas, Minnesota, ken sadiay Montana a maitipon ti iglesia Nazareno. Idi met 1948, indauloan met ni Alfredo del Rosso dagiti Italiano nga iglesisa ti pannakitiponda ti Iglesia Nazareno. Idi 1950 ket nakitipon met ti Iglesia Nazareno ti ministerio iti Hephzibah Faith Missionary Association's South Africa. Karamanna daytoy ti sentrona a masarakan sadiay Tabor, Iowa.

Ti International Holiness Mission a nabangon sadiay London babaen ken David Thomas idi 1907 ket naparang-ayna ti nalawa a ministerio sadiay abagatan a paset iti Afrika babaen ken David Jones. Idi 1952, dagiti iglesiana sadiay England nga idadauloan ni J. B. Maclagan ken ti ministerioda sadiay Afrika ket nakitipon ti Iglesia Nazareno. Binukel ni Maynard James ken Jack Ford ti Calvary Holiness Church sadiay Bretania idi 1934 ken nakitipon daytoy ti Iglesia Nazareno idi 1955. Ti met Gospel Workers Church a binukel ni Frank Goof sadiay Ontario, Canada idi 1918 ket nakitipon ti Iglesia Nazareno idi 1958. Binangon met dagiti taga-Nigeria ti lokal nga Iglesia Nazareno idi 1940 ken babaen kenni Jeremiah U. Ekaidem ket nakitipon daytoy ti sangalubungan nga Iglesia Nazareno idi 1988. Napabileg ti sangalubungan a langa iti Iglesia Nazareno babaen kadagitoy naduma-duma a panagtitipon.

Gapu kadagitoy a paspasamak, ket ginagara a pinarang-ay iti Iglesia Nazareno ti modelo iti iglesia a naiduma manipod ti Protestante a paguadan. Idi 1976 ket napatuad ti maysa a komisyon a mangadal ti masangoanan a kababalen iti denominasyon. Idi 1980 ket inlanad daytoy a komision ti naaramidanna ket inrekomendana a masapol a gagaraen iti General Assembly a mangaramid iti annuroten maipapan ti makunkuna nga “internationalization” a naibatay ti dua a prinsipyo.

Umuna, bigbigenna a dagiti lokal nga iglesia iti Iglesia Nazareno ken dagiti distrito iti entero a lubong ket nabukel iti “sangalubungan a langan-langang dagiti namati nga addaan ti pannakabigbigna iti bukodda a konteksto iti kultura.” Maikadua, inlasinna ti napagnunumoan a banag para ti “naidumduma a misyon iti Iglesia Nazareno,” daytoy ket “ti pannakaiwaragawag iti mensahe iti panagsanto... [kas] kangrunaan a paset dagiti saan a mabaliwan a panursuro nga iso ti pakailasinan iti Iglesia Nazareno.”

Inawat iti 1980 General Assembly ti “sangalubungan a panagmaymaysa iti teolohiya” a masarakan sadiay Artikulo iti Pammati, pinatalgedanna ti kinaimportansia iti teolohikal a pannakasanay dagiti amin a ministro, ken iyaw-awisna ti a matulongan dagiti teolohikal nga eskwelaan ti amin a paset iti lubong nga ayan iti Iglesia Nazareno. Aw-awisenna dagiti amin a kameng iti Iglesia Nazareno nga tumaengda a kas sangalubungan a napagsanto a kumonidad nga addaan ti maymaysa a kapanunotan tapno supiatenna ti kolonyal a kapanunotan nga marukod dagiti tattao ken nanasyon sigun ti rukod a “nabileg ken nakapoy, mangited ken maik-ikkan.” Ket masukatan daytoy ti kapanunotan a “kitaen iti lubong ti baro a wagas: daytoy ti panangbigbig iti kabaelan ken panagpapadapada dagiti amin a kakadua ken katimpuyog.”

Addaan ti Iglesia Nazareno ti naidumduma a wagas iti panagrang-ayna manipod kadagiti dadduma a Protestante a denominasyon. Idi 1998, kagudua kadagiti kamkameng iti Iglesia Nazareno ket saanen nga agnanaed sadiay Estados Unidos ken Canada, ken 41% kadagiti delegado iti 2001 General Assembly ket ammodan ti agsao iti English. Ngem dadduma kadakuada ket saanda pay nga ammo daytoy a lenguahe. Ni Eugenio Duarte a taga Cape Verde iti nasyon nga Afrika ket nabutusan a kas maysa kadagiti General Superintendent idi 2009.

## Ti Naidumduma a Galad iti Sangalubungan a Ministerio

Manipod pay laeng idi ket naka-sentro ti ministerio iti Iglesia Nazareno ti panangiaragawag ti Sao iti Dios, ministerio ti komunidad, ken edukasyon. Rimmang-ay dagitoy babaen ti panagdadanggay dagiti misionario ken niribo-ribo a papastor ken dagiti laiti a nangipakat dagiti Wesleyan nga annuroten ti bukodda a kultura.

Impampusuan ni Hiram F. Reynolds ti pannakaibangon iti cross-cultural a ministerio iti Iglesia Nazareno ken mapataud ti kapanunotan maipapan ti pannakaiwaragawag ti Sao iti Dios ti entero a lubong. Ti uneg iti 25 a tawen a panagakemna kas General Superintendent ket impakaunayna ti kinaiportansya iti misyon. Manipod pay idi 1915, ti Nazarene Missions International (dati a Woman's Missionary Society) ket nagurnong iti pondo ken impakaunayda ti misyon nga edukasyon kadagiti kongregasyon ti entero a lubong.

Manangngaasi dagiti damo a kamkameng iti Iglesia Nazareno ken impariknada ti parabor iti Dios babaen iti panangtulongda idi tiempo iti panagbisin sadiay India, ken nangbangonda ti umaponan dagiti ulila, pagtaengan para kadagiti balasang a nannang, misyon kadagiti siudsuidad para kadagiti agus-usar ti maiparit a droga ken awanan iti babbalay. Idi 1920's ket nagbalbaliw ti prioridad iti ministerio, naipokus daytoy ti medisina. Naibangon dagiti ospital sadiay Tsina ken Swaziland, ken ti saan a mabayag ket sadiay India ken Papua New Guinea. Dagiti kamkameng iti Iglesia Nazareno a dodoktor ket nagagasda, nag-operada, nangsanyda kadagiti nars, ken nangtulongda kadagiti paalis-alis a klinika para kadagiti marigrigat a tattao.

Naibangon dagiti espesyalista a klinika a kaspangarigan ti klinika dagiti agketong sadiay Afrika. Gapu ti pannakabukel iti Nazarene Compassionate Ministries idi 1980 ket napalawa ti ministerio iti komunidad ti Iglesia Nazareno a nagtultuloy agengga ita a panawen. Nayon ditoy a ministerio ti panangtulong kadagiti uubing para ti panagadalda, panangited ti tulong no adda ti didegra, panangisuro maipapan ti AIDS, panangtulong kadagiti ulila, proyekto para ti danum, ken panangwaras kadagiti taraon.

Kinanayon a paset ti biag iti kongregasyon iti Sunday Schools ken panagadal iti Biblia. Nangruna ti akem na dagitoy tapno agbalin a kas ken Cristo dagiti annakna. Nagpuonan met ti Iglesia Nazareno ti elementarya nga edukasyon manipod ti damo a pannakabangonna iti Hope Schools for Girls sadiay Calcutta. Naibangon daytoy idi 1905. Insagana met dagiti eskwelaan iti Iglesia Nazareno dagiti tattao ti entero a lubong tapno makiramanda ti sosyal, ekonomiya ken relihion a paset iti sosyodad. Kaaduan kadagiti immuna a kolehiyo iti Iglesia Nazareno sadiay Estados Unidos ket addaan iti pre-school ken high schools agengga ti ketenggaaan iti 20th a siglo.



Dakkel a gatad ti impaay dagiti nangbangon ti Iglesia Nazareno para ti pannakaparang-ay iti edukasyon gapu ta mamatida a nangruna daytoy tapno masanay a nalaeng dagiti papastor ken dagiti dadduma pay a trabahadores ti ministerio ken tapno masanay dagiti kamkameng iti iglesia. Adda ti listaan iti International Board of Education kadagiti eskwelaan ti Iglesia Nazareno, kanayonna dagitoy dagiti kolihyo ken unibersidad nga adaan iti naduma-duma a curso sadiay Afrika, Brazil, Canada, Carribean, Korea, Estados Unidos, kanayonna pay dagiti Bible Colleges ken pagadalan, eskwelaan dagiti agbalin a nars sadiay India ken Papua New Guinea, ken graduate schools iti teolohiya sadiay Australia, Costa Rica, England, Pilipinas, ken Estados Unidos.

Iti panaglablabas iti panawen ket nagbaliw ti langa iti Iglesia Nazareno. Manipod ti sangalubongan a presensia ket nagbalin daytoy a sangalubungan a komunidad dagiti namati. Naibatay ti Wesleyan a tradisyon, maawatan dagiti kamkameng iti Iglesia Nazareno nga isuda ket Kristiano, nasantuan, ken misyonal ken inawatda ti pagsasao ti misyon a: “Pagbalinen a kas ken Cristo a disipulo iti nanasyon.”



ITI MISYON ITI IGLESIA

**NAZARENO**

KET PAGBALINEN

**A KAS KEN CRISTO**

A DISIPULO DAGITI

**NANASYON**



# DAGITI KANGRUNAAN A IPATPATEG TAYO

## 1. Kristiano tayo a Tattao

Kas kameng iti Sangalubungan nga Iglesia, makipagmaymaysa tayo kadagiti amin a pudno a namati ti panangiwargawag iti kinadios ni Jesu Cristo ken patalgedan iti Trinidad a kredo ken dagiti patpatien ti nakristianoan a pammati. Ipatpateg tayo ti tawid a Wesleyan-Holiness ken patien tayo a daytoy ti wagas tapno maawatan tayo ti pammati tayo a napudno ti Biblia, panangikalintegan, tradisyon ken kapadasan.

Makimaysa tayo kadagiti amin a namati ti panangiwargawag iti kinadios ni Jesu Cristo. Mamati tayo a gapu ti nadiosan nga ayat ket iyaw-awat iti Dios kadagiti amin a tattao ti pannanakapakawan dagiti basbasol ken ti pannakaisubli iti nadadael a relasyon. Gapu ta naikaysa tayon ti Dios ket mamati tayo a naikaysa tayo metten ti maysa ken maysa, ayaten ti maysa ken maysa kas iti panagayat kadaytoy iti Dios ken pakawanen tayo ti maysa ken maysa a kas met iti panangpakawan kadaytoy iti Dios. Mamati tayo a babaen iti panagtitiyon tayo kas maysa a namati ket maitandudo ni Cristo. Mamati tayo a ti Biblia ti kangrunaan a pagtaudan iti naespirituan a kinapudno ken patalgedan daytoy iti pannakaawat, tradisyon, ken kapadasan.

***Makimaysa tayo kadagiti amin a namati ti panangiwargawag iti kinadios ni Jesu Cristo.***

Ni Jesu Cristo ti Apo iti Iglesia a kas ibagbaga kadaytoy iti Nicene a Kredo, maymaysa, nasantuan, sapsap ken nagtaud kadagiti apostoles. Gapu ken Cristo ken babaen iti Espiritu Santo, ket iyaw-awat iti Dios Ama ti pannakapakawan iti basol ken pannakaikapia iti entero a lubong.

Dagiti sumungbat ti awis iti Dios babaen iti pammati ket nagbalindan a tattao ti Dios. Gapu ta napakawanen ken naikapia tayon ken Cristo ket mangpakawan ken makikapia tayo met ti maysa ken maysa. Babaen iti daytoy ket datayon ti Iglesia ken Pannakagi ni Jesus ken impakaamona ti panagkaykaysa iti daytoy a Bagi. Kas maymaysa a Bagi ni Cristo, addaan tayo iti “maymaysa a Dios, maymaysa a pammati, ken maymaysa a bautismo.” Patalgedan tayo ti panagkaykaysa iti Iglesia ni Jesus ken aramiden tayo iti amin tapno agtalinaed daytoy a kasta (Efeso 4:5,3).

## 2. Nasatuan tayo a Tattao

Aw-awaganna tayo iti nasatuan a Dios ti nasantuan a panagbiag. Mamati tayo a tartarigagayan iti Espiritu Santo a mapadasan tayo ti maikadua a panagtrabaho iti parabor a maaw-awagan iti naduma-duma a terminolohiya a kas iti “naan-anay a panagsanto” ken “panangbautisar iti Espiritu Santo” -ket ugasanna tayo manipod kadagiti amin a basol, pagbalinenna tayo a kalanglanga ti Dios, pabilgenna tayo tapno ayaten iti Dios iti amin a puso, kararua, panunot, ken pigsas, ken dagiti kakaarruba tayo a kas iti bagi tayo, ken pataudenna kadatayo iti kababalen ni Cristo. Ti kinasanto iti biag dagiti namati ket nalawag a maawatan daytoy a kas ken Cristo.

## *Ti akem iti Espiritu Santo ket isublina tayo ti imahe iti Dios ken tapno pataudenna kadatayo ti kababalin ni Cristo.*

Gapu ta inawaganna tayo iti Biblia ken inawis na tayo iti parabor tapno dayawen ti Dios ken ayaten isuna iti amin a puso, kararua, panunot ken pigsas, ken dagiti kakaarruba tayo kas iti bagi tayo, ket naan-anay a italek tayo ti bagbagi tayo ken Apo Dios, ken patien tayo a “naan-anay a mapagsanto tayo,” kas maikadua a krisis a kapadasan. Mamati tayo nga iti akem ti Espiritu Santo ket tapno babalawenna ti kinamanagbasol tayo, dalusan, pinneken, ken ikkana tayo iti kabaelan kas inaldaw-aldaw a balbaliwanna tayo ti parabor iti Dios tapno agbalin tayo a tattao a napnoan iti ayat, addaan iti naespirituan a disiplina, nadalus ti moralidadna, manangngaasi, ken nalinteg. Ti akem iti espiritu Santo ket tapno isublina tayo ti imahe iti Dios ken pataudenna iti kababalin ni Cristo kadatayo.

Mamati tayo ti Dios Ama, a Namarsua kadagiti amin a banag. Awan tayo idi, ngem pinarsuana tayo iti Dios ken pinarsuana tayo a kas kalanglangana. Naibilin kadatayo a masapol nga adda kadatayo ti imahe iti Dios: “Siak ni Yahweh a Diosyo; pagtalinaedenyo dagiti bagiyo a nasantoan gapu ta nasantoanak” (Levitico 11:44a).

## 3. Managmision tayo a Tattao

Naibaon tayo a tattao, sinungbatan tayo ti ayab ni Cristo ken naikkan tayo iti kabaelan babaen iti Espiritu Santo a mapan ti entero a lubong, paneknekan ken saksian tayo ti Kinadios ni Cristo ken makidanggay ti Dios ti panangbangonna ti Igllesia ken ti pagarianna. (Mateo 28:19-20; 2 Corinto 6:1). Iti mision tayo ket (a) mangrugi ti panagdayaw, (b) panagministerio ti lubong babaen iti panangiwigawag ti Sao iti Dios ken panangtulong kadagiti agkasapulan, (c) kariten dagiti namati a tumaengda babaen iti pannakadisipulo, ken (d) pannakaisagana dagiti namati para ti nakristianoan a panagserbi babaen iti nangatngato pay nga adal.

## A. Ti Misyon tayo a Panagdayaw

Iti pagrugian ti misyon iti Iglesia ditoy lubong ket ti panagdayaw. Kas iti panagtataripnong tayo ti sangoanan iti Dios babaen iti panagdayaw-daytoy ket babaen iti kankanta, panagdengngeg ti pannakaibasa iti Sao ti Dios, panangited tayo iti apagkapullo ken sagsagot tayo, panagkararag, panagdengngeg ti pannakaikasaba iti Sao iti Dios, pannakabuniag, ken panagkomunion—ket nalawag a maawatan tayo ti pudno a kaipapananna iti panagbalin tayo a tattao iti Dios. Ti pammati tayo a matungpal ti panggep iti Dios ti lubong babaen iti panagdayaw dagiti kongregasyon ket isu ti mangiturong kadatayo tapno maawatan tayo a kanayon ti misyon tayo ti panangawat kadagiti barbaro a kamkameng ti panaglalangen iti iglesia ken ti panangbukel kadakuada a kas baro a kongregasyon.

## *Ti panagdayaw ket ti kangangatuan a panangipakita iti panagayat tayo iti Dios.*

Ti panagdayaw ket iso ti kangangatuan a pammaneknek iti panagayat tayo iti Dios. Daytoy ket nakasentro Kenkuana a panagdayaw gapu ti panangisalakanna kadatayo babaen iti parabor ken kaasina. Ti kangrunaan a konteksto iti panagdayaw ket ti lokal nga iglesia a nagtitipunan dagiti tattao iti Dios, a saan ket a nakasentro ti bukod a kapadasan wenna ti bukod a dayaw no di ket ti panangisuko ken panangidaton iti bagi. Ti panagdayaw ket isu ti pakakitaan iti panagayat iti iglesia ken iti natulnog a panagserbi ti Dios.

## B. Ti Misyon tayo a Panangipakita iti Asi ken Panangiwaragawag iti Sao iti Dios.

Kas tattao a naikonsagrar ti Dios ket ibingay tayo ti ayatna kadagiti nagbasol ken ti asi na para kadagiti marigrigat ken masaksaktan. Ti Kangrunaan a Bilin (Mateo 22:36-40) ken ti Kangrunaan a Pangipatalek (Mateo 28:19-20) ket isu ti mangtignay kadatayo tapno iwaragawag tayo iti Sao iti Dios, ipakita tayo ti asi, ken hustisya ditoy lubong. Gapu ti daytoy ket nakakomit tayo nga awisen dagiti tattao a mamatida ken Cristo, tulungan dagiti agkasapulan, supiaten ti kinaawan ti hustisya ken tulungan dagiti maidaddadanes, salakniban ken aywanasn dagiti pinarsua iti Dios, ken itipon ti langenglangen tayo dagiti amin nga umawag ti nagan ni Apo Jesus.

Babaen iti misyonna ti lubong, ket ipakpakita iti Iglesia ti ayat iti Dios. Ti istorya iti Biblia ket istorya iti Dios ken ti panangikapiana iti lubong Kenkuana, kamaudianna ket babaen ken Cristo Jesus (2 Corinto 5:16-21). Naibaon ti Iglesia ti lubong tapno makiraman ken Apo Dios daytoy a ministerio nga ayat ken pannaikapia babaen iti panangiwaragawag iti Saona, panangipakita iti asi, ken hustisya.

### C. Ti Misyon tayo a Panangdisipulo

Nakakomit tayo nga agbalin a disipulo ni Jesus ken tapno awisen dagiti dadduma nga agbalinda met a disipulona. Gapu ti daytoy ket nakakomit tayo a mangipaay kadagiti wagas tapno madisipuloanda. Kaspangarigan koma ti Sunday School, panagadal iti Biblia, babassit a bunggoy, ken dadduma pay a wagas. Ta babaen kadagitoy ket maawis dagiti namati a rumang-ay ti pannakaawatda ti nakristianoan a pammati ken ti relasyonda ti maysa ken maysa ken ti Dios. Maawatan tayo a kanayon ti panagdisipulo ti panagtulnog tayo ti Dios ken kadagiti disiplina iti pammati. Mamati tayo a masapol a tulungan tayo ti maysa ken maysa a pagbiagan ti nasantuan a panagbiag babaen iti panagtitinnulong iti maysa ken maysa, nakristianoan a langen-langen, ken naayat a panagsisinnakit iti maysa ken maysa. Kinuna ni John Wesley nga, “Impaayna tayo iti Dios ti maysa ken maysa tapno mapabileg tayo.”

## ***Ti panagdisipulo ket wagas a pamay-an iti Espirito Santo tapno in-inot a tumaeng tayo ken Cristo.***

Iti nakristianoan a panangdisipulo ket maysa a wagas ti panagbiag. Proseso daytoy tapno maadal tayo no ania ti kayat iti Dios a wagas iti panagbiag tayo ditoy lubong. Kas masusuroan tayo ti panagtulnog ti Sao iti Dios, ti panangsuot tayo kadagiti disiplina iti pammati, ken iti panagsisinnakit iti maysa ken maysa, ket marugian tayo a maawatan iti pudno a rag-o iti nadisiplina a panagbiag ken iti nakristianoan a kaipapanan iti waya-waya. Saan laeng nga aramid ti tao iti panangdisipulo ken iti panagtulnog kadagiti allagaden ken annuroten. Wagas daytoy nga aramatan ti Espirito Santo tapno in-inot a tumaeng tayo ken Cristo. Babaen iti panangdisipulo ket agbalin a Kristiano iti katatao tayo. Iti kauudian a gun-gun-oden iti panangdisipulo ket tapno agbalin tayo a kas kalang-langa ni Jesu-Cristo (2 Corinto 3:18)

### D. Ti Misyon tayo a Nakristianoan a Kolihio nga Edukasyon

Nakakomit tayo iti nakristianoan nga edukasyon. Babaen iti daytoy ket naikkan iti kabaelan dagiti Kristiano tapno agserbida. Kadagiti seminario tayo, kolehiyo iti Biblia, kolehiyo, ken unibersidad, ket nakakomit tayo ti panagadal, ti pannakataud iti nakristianoan a kababalin, ken ti pannakasanay dagiti mangidadaulo tapno matungpal ti ayab iti Dios para ti panagserbi iti sangalubungan nga Iglesia ken ti lubong.

Nangruna a paset iti misyon iti Iglesia Nazareno ti nakristianoan a kolehiyo nga edukasyon. Idi nabiit pay laeng ti Iglesia Nazareno, ket napataud dagiti eskwelaan para ti kolehiyo nga edukasyon tapno maisagana dagiti tattao iti Dios para ti panangidaulo ken nakristianoan a panagserbi gapu ta lumawlawan ti Wesleyan-Holiness a pammati. Gapu ti panangkomit tayo ti nakristianoan a kolehiyo nga edukasyon kadagiti naglablabas a panawen ket napataud dagiti seminario, kolehiyo iti Biblia, kolehiyo, ken unibersidad.

MAAWIS KAYO, A SIRARAG-O TAYO  
NGA AGKANTA PARA ITI  
APO AGLAAW TAYO ITI NAPIGSA  
PARA ITI BATO TI  
PANNAKAISALAKAN  
ITI KINADIOS NI  
JESU-CRISTO



A young man with short dark hair, wearing a white shirt and a yellow sash, is speaking into a microphone. He is looking slightly to the left. In the background, several other people are visible, some smiling, suggesting a church service or a community gathering. The overall tone is warm and positive.

# TI MISYON TAYO

**Ti misyon iti Iglesia Nazareno ket pagbalinen a kas ken Cristo a disipulo dagiti nanasyon.**

Iglesia tayo a paset iti Naindaklan a Pakomit (Mateo 28:19-20). Kas sangalubungan a komunidad iti namati ket naipakomit kadayo nga iwaragawag ti Naimbag a Damag maipapan ti biag ni Jesu Cristo kadagiti amin a tattao uray sadino man ti ayanda ken ti mensahe iti panagsanto (daytoy ket babaen iti wagas iti panagbiag a kas ken Cristo) ti amin a luglugar.

Pagtitipunen iti Iglesia Nazareno dagiti tatao a pinagbalinda ni Jesu Cristo a kas Diosda, makilangengen ti pada a Kristiano, ken pabilgen ti pammati iti maysa ken maysa babaen iti panagdayaw, panagkasaba, panagsanay, ken panagserbi ti pada a tao.

Agregget tayo nga ipakita ti asi ni Jesu Cristo kadagiti amin a tattao a nabuyugan iti kari para ti nakristinoan a wagas iti panagbiag.

Idinto ta ti kangrunaan a panggep iti iglesia ket ti panangidayaw ti Dios, naayaban tayo met a makitipon ti misyonna—daytoy ket ti ikapia ti lubong kenkuana.

Nilaon iti misyon tayo dagiti kangrunaan a banag: panangiwagawag ti Sao iti Dios, panagsanto, panangdisipulo, ken kaasi. Ti kaipapanan iti kinasanto ket ti panagbalin a kas ken Cristo.

Agbalbalinen dagiti kameng iti Iglesia Nazareno a naipatulod a tattao—kadagiti pagtaengan, pagtrabohan, komunidad, barangay ken kasta kadagiti ciudad ken pagilian. Itan ket maipatuloden dagiti misyonario tayo ti amin a paset ti lubong.

Itultuloy iti Dios nga ayaban dagiti gagangay a tattao para ti saan a gagangay nga aramid babaen iti tulong iti Espirito Santo.



# TI GALAD TAYO A KAS NAZARENO

Idi 2013 a General Assembly ket impaduyakyak iti Board of General Superintendents dagiti pito a galad iti Iglesia Nazareno:

1. Addaan kaipapananna a Panagdayaw
2. Teolohikal a Panagtutunos
3. Nagagar a Panangiwaragawag iti Sao iti Dios
4. Naigagara a Panangdisipulo
5. Panagrang-ay iti Iglesia
6. Manangbalbaliw a Panangidaulo
7. Pinanggep a Panangngaasi

Idinto a saan a sukatan dagitoy a panangiladawan iti misyon tayo a, “pagbalinen a kas ken Cristo a disipulo dagiti nanasyon” wenna iti ipagpateg tayo a kababalin a, “Kristiano, kinasanto ken misyonal,” no pay kasta ket inladawanda dagiti masapol a galad iti Iglesia Nazareno, ken masapol a makita dagitoy a galad kadagiti amin a kameng iti Iglesia Nazareno. Maawis dagiti papangulo iti iglesia nga ipakaunayda, ken dagiti amin a kameng iti Iglesia Nazareno nga ipakitada dagitoy a galad kabayatan iti panagdur-as tayo a kas maysa a denominasyon. Kas iti panaglabas iti panawen ket kitaen tayo no kasano a matungpal dagitoy.

## 1. Addaan Kaipapananna a Panagdayaw

### Ayab iti Panagdayaw

Umaykayo, ket idaydayawtayo ti Apo! Kantaantayo a sirarag-o ti Dios a salaknibtayo!

Dumatagtayo iti sangoananna ket agyamantayo;

Ipaayantayo iti naragsak a kanta a pagdaydayaw kenkuana!

Ta ti Apo mannakabalin a Dios; naindaklan nga ari, naturturay ngem amin a didios.

Iturayanna ti entero a daga, manipud iti kaunggan a rukib agingga iti kangatoan a turod.

Inaramidna ti taaw ket kukuana, uray ti daga sinukog ti imana.

Umaykayo! Agparintumengtay iti sakaananna, ket agdaydayawtayo kenkuana.

Agrukbabtayo iti Apo a namarsua kadatayo.

Isu ti Diostayo; datayo dagiti tattaona nga ay-aywananna.

—Salmo 95: 1-7a

Natalgedmi nga ibaga nga ti panangdayaw ti Dios ket ti panangbigbig Kenkuana a kas Bato iti pannakaisalakan tayo, ti naindaklan a Dios, ti naindaklan nga Ari a mas nabilbileg ngem kadagiti didiosen, ti namarsua kadagiti amin, ken ti Pastor a mangisaksakit kadagiti tattaona.

A. Agbibagi dagiti disipulo ni Jesus ti presensiana ken agministerioda kadagiti dadduma kas resulta iti relasyonda kenkuana.

- Imbaon ni Jesus dagiti disipulosna tapno agministerioda ti lubong (Mateo 10)
- Ti saan a mabayag ket imbagana kadakuada a kasapulanda a mapnoan iti Espiritu Santo. Nagurayda ti makin-ngato a kwarto ket immay kadakuada ti Espiritu Santo a kas inkari ni Jesus kadakuada (Aramid 2)
- Idi nirugian dagiti disipulo ti ministerioda ti lubong ket nagbalindan a pannakabagi ti Dios.
- Ti misyon ken mensaheda ket ti pannakaikapia iti Dios (2 Corinto 5:11-21)
- Napintas ti imbaga ni Pablo sadiay “Ngarud, adtoykami a pannakangiawat ni Cristo. Kasla ti Dios a mismo ti agdawdawat kadakayo. Iti nagan ni Cristo, yunay-unaymi a makikappiakayo iti Dios! Awan basol ni Cristo. Ngem gapu kadatayo, imbaklayna dagiti basoltayo tapno iti pannakikaysatayo kenkuana, mairanudtayo iti kinalinteg ti Dios” (2 Corinto 5:20-21).

B. Kinarit ni Jesus dagiti pasurotna babaen iti Naidaklan a Bilin.

- “Inkay ngarud kadagiti amin a tattao iti amin a lugar, ket pagbalinenyo ida nga adalak: buniaganyoa ida iti nagan ti Ama, ti Anak ken ti Espiritu Santo, ken isuroyo ida nga agtungpal kadagiti amin nga imbilinko kadakayo. Laglagipenyo nga addaakto nga agnanayon kadakayo agingga iti panungpalan ti lubong” (Mateo 28:19-20).

## ***Nirugian a tungpalen iti nabiit pay a naibangon nga iglesia daytoy a bilin kenkuana para ti lubong kalpasan iti addaan kaipapananna a panagdayaw a napadasanna sadiay Antiokia***

*-Aramid 13:1-4*

C. Mapasamak ti addaan kaipapananna a panagdayaw kas iti panangipakat tayo iti disiplina ti Espiritu kas iti panagayunar ken panagkararag.

- Imbaon isuda iti Espiritu Santo tapno awisen dagiti tattao a mamatida met koma ken Cristo.
- Napasamak daytoy ti konteksto iti panagdayaw.
- Inspiraranna tayo ti panagdayaw ken paruarena ti bileg ti Dios iti biag tayo.
- Ti panagdayaw ket itiponna ti biag tayo ken Jesus. Masapol daytoy nga espirtual a disiplina para kadagiti amin a namati, ar-aramaten daytoy iti Dios tapno sukogenna tayo sigun ti nasantuan nga imahe ni Jesus.
- Masapol ngarud a maaddaan tayo iti personal a panagdayaw ken panagdayaw a kakuyog dagiti pada tayo a namati.

D. Ikkan iti tiempo ti addaan kaipapananna a panagdayaw para ti panagserbi ti Dios a kakuyog dagiti pada tayo a namati tapno aggaraw ti Dios kadatayo ti bukodna a wagas.

- Saan nga inaramid iti nabiit pay a naibangon nga iglesia ti akemna babaen kadagiti naduma-duma ng komite wenna siminar.
- No di ket kinanayon nga agtataripnongda tapno agdayawda ken palubusanda a siwaya-wayaya nga aggaraw ti Dios ti nagbabaitanda.
- Masapol a sipapalubos nga isardeng tayo ti bukod tayo a panggep ken palubusan tayo ti Dios nga aramidenna iti panggepna kadatayo.
- Palubusan ti addaan kaipapananna a panagdayaw tapno siwaya-wayaya nga aggaraw ti Dios kadatayo kabatayan ti nagagar a panangpadaan tayo kenkuana.
- Masapol nga ikkan tayo iti tiempo ti Dios tapno ipakammona ti kinadionsa ken tapno awisen, agtignay, sagiden, isalakan, ken sangtipikaranna dagiti tattaona sigun iti bukodna a wagas ken panawen.
- Masapol a tumabuno tayo ti panagdayaw ken magagaran tayo nga urayen ti panagtignay ken panaggaraw iti Dios babaen iti daytoy a panagtition tayo.
- Masapol a padaanan tayo ti panagtignay iti Dios ti nalawag a wagas, aramiden dagiti banag nga aramiden laeng iti Dios kabayatan ti panagdayaw tayo aldaw iti panagdayaw. Saan tayo koma a mapnek laeng iti kadawyan a panagtition tayo.
- Masapol a dinomingo nga agtataripnong dagiti annak iti Dios tapno nabileg ti panagtignay iti Espiritu iti Dios kadakuada.
- Awan iti makaartap ti pannakapabileg ti espiritu iti tao babaen ti Espiritu ti Dios.
- Mapasamak daytoy ti tiempo iti addaan kaipapananna a panagtimpuyog a panagdayaw.

## 2. Teolohikal a Panagtutunos

A. Masapol a mangngeg dagiti Kristiano nga iglesia iti boses ti Iglesia Nazareno

- Ibagbaga ti teolohikal a kinaasi-asino tayo.
- Daytoy ti pagtaktakderan tayo, iso ti mangigapu nga agtignay tayo, ken no kasano tayo a pagbiagan ti patpatien tayo ti inaldaw-aldaw a panagbiag tayo.

B. Dagitoy ti pagtataudan iti teolohikal a panagtutunos tayo.

- Ti Biblia: Mamati tayo a nangruna ti akem iti Biblia para ti pannakasukog ti pakailasinan tayo ken Cristo.
- Nakristianoan a tradisyon: Rambakan tayo ti nakaugalian a panursuro ti uneg iti 2,000 a tawtawen babaen kadagiti naduma-duma a nakristianoan a tradisyon.
- Panangikalinteg: Mamati tayo nga agrabaho ti Espiritu iti Dios babaen iti pampanunot tayo ken ikkana tayo iti manangawat a panunot.
- Bukod a kapadasan: Mamati tayo nga agrabaho ti Dios ti kaunggan ken babaen iti biag dagiti mamati ken sumursurot ken Cristo.



C. Mangipaay kadatayo iti teolohikal a panagtutunos dagitoy a pammati.

- Kristiano tayo.
  - Patien tayo a ni Jesu Cristo ket Anak iti Dios.
  - Patien tayo a ni Cristo ket iti maikadua a persona iti Trinidad.
  - Pagbatbatayan tayo dagiti nakaugalian a kredo ken tradisyon iti Kristiano nga iglesia.
- Protestante tayo.
  - Mamati tayo ti pannakapalinteg babaen iti parabor ken ti laeng pammati para ti pannakaisalakan.
  - Importante para kadatayo ti turay iti Biblia.
  - Mamati tayo a padi dagiti amin a namati.
  - Patalgedan tayo nga iti pannakaikasaba iti Sao ti Dios ket iti kangrunaan a paset iti panagdayaw ken iti pulpito ket adda sadiay sentro ti entablado.
  - Mamati tayo a naibingay kadagiti amin a namati ken Cristo dagiti sagsagot ti Espiritu.
- Ebanghelikal tayo.
  - Mamati tayo ti posibilidad ken masapol a maaddaan iti bukod a relasyon ken Jesu Cristo babaen iti pannakapakawan dagiti basbasol tayo ken ti pannakabalbaliw iti katatao tayo tapno agbalin daytoy a kas ken Cristo.
  - Mamati tayo a ti pakakitaan iti pammati tayo ket ti nabalbaliwan a wagas a panagbiag.



- Wesleyan tayo.  
Mamati tayo ti nangruna a kababalin ti Dios nga iso ti nakaibatayan iti teolohiya tayo-- “Ta ti Dios ket ayat” (1 Juan 4:8)  
Mamati tayo nga iti tao ket addaan isuna iti kabaelan nga agdesisyon iti bukbukodna tapno maadaan isuna iti nadek ket a langen-langen ti Apo Dios.  
Mamati tayo a pinaraburan ken kinaasian ti Dios iti tao.  
Mamati tayo ti kita iti parabor ti Dios a mangtignay iti tao sakbay nga umasideg isuna ti Dios, Maaw-awagan daytoy a kita iti parabor nga “prevenient grace.” Daytoy met laeng a kita ti parabor iti manglapped dayta a tao tapno saan a dumakel ti basolna, ken iso ti mangguyugoy ti tao nga umasideg isuna ti Dios.  
Mamati tayo a ti Dios ti nangsarak, nangsubbot, nangisalakan, mamagsanto, ken umdas daytoy a parabor tapno pagbalinenna ti tao a anak iti Dios ken mangipaay kenkuana iti tuloy-tuloy a balligi kabayatan ti panpannagnana a kas maysa a Kristiano.  
Mamati tayo a kabaelan iti parabor ti Dios a dadaelen ti bileg iti basol iti biag ti maysa a tao ken balbaliwanna daytoy a tao manipod ti maysa a managbasol ket agbalin isuna nga anak iti Dios a siaannugot nga agtulnog ti Apo gapu iti ayat.
- Mamati tayo a magun-od ti kinasanto ken pannakasangtifikar kabayatan ti panagbiagi tayo ditoy rabaw iti daga.
- Mamati tayo ti pammaneknek ti Espiritu.
- Mamati tayo nga addaanen iti talged ti maysa tayo a pinakawanen iti Dios dagiti basbasolna ken ti agtultuloy a pannakaamo nga iti dara ni Jesus ket kinalubannan dagiti napalabas a basbasol ken pagballigienna isuna kabayatan iti inadaw-aldaw a panagbiagna.  
Mamati tayo ti panangidalan iti Espiritu tapno palubusan ti maysa a tao nga idalan isuna ti Dios iti inaldaw-aldaw a panagdesisyonna. Ti Espiritu iti Dios ti mangiturong kadagiti annakna kabayatan ti panagdallayasatda iti biag.

D. Mamati tayo nga adda iti uppat a nangruna a paset ti nasantuan a panagbiagi:

- Kas ken Cristo—daytoy ket ti inaldaw aldaw a panagbalin a kalanglanga ni Jesus babaen iti panagtrabaho iti Espiritu Santo kas palubusan tayo nga agtrabaho ti Dios ti biag tayo. “Mapapigsakayo iti panagbiagyo ken ni Cristo ken maliwliwakayo gapu iti ayatna. Adda pannakikadkaduayo iti Espiritu ket agdidinnungngo ken makipagriknakayo iti tunggal maysa” (Filipos 2:1).
- Wagas iti Panagbiagi—daytoy ket ti pannakaisina para ti nasantuan a panggep tapno aramiden ti aramid iti Dios ditoy lubong. Diak dawaten nga ipanawmo ida ditoy lubong, no di ket salaknibam ida iti Managdakdakes. “Saanda a taga-lubong a kas kaniak. Pasantoem ida babaen iti kinapudno. Ti saom isut’ pudno” (Juan 17:15-17).
- Ti Sulisog ken ti Kabaelan nga Agpili—daytoy ket ti kinaadda iti kabaelan a saan nga agpaabak kadagiti nailasagan a tartarigagay wenno ti dakes no di ket ti bileg ti Dios tapno agbiagi iti nasantuan a biag. “Idawdawatko a maluktan koma dagiti pampanunoty tapno makitayo ti lawag nga agtaud kenkuana, tapno maammoanyo ti namnama a nangayabanna kadakayo, ti kinabaknang dagiti nakaskasdaaw a bendision nga inkarina kadagiti tattaona ken ti naindaklan a pannakabalinna nga agtartrabaho kadayo a mamati. Daytoy a pannakabalin nga adda kadayo, isu met laeng ti nabileg a pannakabalin nga inusarna idi pinagungarna ni Cristo, ket pinagtugawna iti makannawanna sadi langit” (Efeso 1:18-20).



- Bunga iti Espiritu- ti awan pagkuranganna nga ayat ti Dios a makita babaen iti ayat, rag-o, talna, anus, kinamanangngaasi, kinaimbag, kinamatalek, kinapakumbaba ken kinamanagteppel. “No adda ayat, awan panagbuteng, ta paksiaten ti naan-anay nga ayat ti amin a panagbuteng. Ngarud, saan pay a naan-anay ti ayat ti siasinoman nga agbuteng, agsipud ta agkuykuyog ti buteng ken ti dusa” (1 Juan 4:18).

E. Mamati tayo ti nagtengnga a pamay-an. Padpadasen tayo a liklikan dagiti dua a paset dagiti ado nga isyo. Saan tayo nga ipangpangruna ti maysa laeng a paset iti kada isyo no di ket aramiden tayo ti amin tapno mabalanse dagitoy.

### **3. Naregget a Panangiwaragawag iti Sao ti Dios**

Ti sungbat tayo ti ayat ken parabor ni Jesus ti sangkataoan ket ti naregget a panangiwaragawag iti Saona. Nairugi ti Iglesia Nazareno babaen iti nagagar a panangiwagawag iti Sao iti Dios. Ket agtultuloy daytoy a mangipakita iti kinaasi-asino tayo. Iti karitna maipapan ti panangiwaragawag iti Sao iti Dios, ket kinuna ni Phineas Bresse, nga iso ti kauunaan a General Superintendent iti Iglesia Nazareno nga, “Utang tayo kadagiti amin a tattao nga ibingay kadakauada ti ebanghelio a kas met laeng iti panangawat tayo daytoy.” Nakapokus tayo ti panangtulong kadagiti tattao tapno maadaanda iti bukod a kapadasan a pannakaisalakan babaen iti panamatida ken Jesu-Cristo.

A. Impakita kadatayo ni Jesus ti naregget a panangiwagawag iti Sao iti Dios:

- “Simnek ti kaasi ni Jesus kadagiti tattao idi makitana ida a mabutbuteng ken nakakaasi. Kasda la karnero nga awan pastorda. “Adu ti anien, ngem bassit ti agani,” kinuna ni Jesus kadagiti adalanna. “Agdawatkayo ngarud iti akinkukua iti maani tapno mangibaon kadagiti agani” (Mateo 9:36-38).
- “Adda pagsasaoyo, ‘Uppat pay a bulan ket panaganin.’ Ngem ibagak kadakayo, kitaenyo a naimbag dagiti taltalon. Natangkenanen dagiti dawa ket mabalinen nga anien!” (Juan 4:35)

B. Iti naregget a panangiwaragawag iti Sao iti Dios ket bilin ni Jesus:

- “Inkay ti entero a lubong ket ikasabayoy ti Naimbag a Damag kadagiti amin a parsua” (Markos 16:15).
- “Masapul nga agsagaba ti Cristo ken agungar ti maikatlo nga aldaw. Iti naganna, maikasabanto kadagiti amin a nasion, manipud Jerusalem, ti mensahe maipapan ti panagbabawi ken pannakapakawan dagiti basbasol” (Lukas 24:46-47).

C. Pinalubusan ni Jesus ti naregget a pannakaiwaragawag iti Sao iti Dios:

- “Maikaskasabanto iti entero a lubong daytoy Naimbag a Damag maipapan iti Pagarian kas pammaneknek iti sangkataoan. Kalpasanna, umayton ti panungpalaan” (Mateo 24:14).
- “Umay ti tulisan tapno agtakaw, agpapatay ken agdadael. Immayak tapno maaddaankay iti biag-biag nga awan pagkuranganna” (Juan 10:10).

D. Ti Espiritu Santo ti mangpabileg iti naregget a panangibingay iti Sao iti Dios:

- Ikkanna dagiti amin a namati iti bileg tapno agbiag ken saksianda ti nasantuan a panagbiag.
- “Ngem inton umay kadakayo ti Espiritu Santo, maikkankayto iti pannakabalin. Dakayto ti mangpaneknek iti maipapan kaniak idiay Jerusalem, iti entero a Judea ken Samaria, agingga iti amin a sulit ti daga” (Aramid 1:8).

E. Ti Espiritu Santo ti mangpataud iti naregget a panangibingay iti Sao iti Dios:

- Babaen kadatayo ket makita ken nabunga ti Espiritu Santo.
- “Ngem ti Espiritu pataudenna ti ayat, rag-o, talna, anus, kinamanangngaasi, kinaimbag, kinamatalek, kinapakumbaba ken kinamanagteppel. Awan ti linteg a maibusor kadagitoy” (Galatian 5:22-23).

F. Ti naregget a panangibingay iti Sao iti Dios ket mangiyeg iti baro a biag ken bileg iti maysa a tao ken iti sibubukel nga iglesia.

- Maysa a baro a parsua ti siasinoman a mainaig ken ni Cristo. Naglabasen dagiti daan a banag ket dimtengen dagiti baro” (2 Corinto 5:17).
- “Tunggal aldaw, innayon ti Apo iti gimongda dagiti tattao a maisalakan” (Aramid 2:47).

G. Ti naregget a panangibingay iti Sao iti Dios ket pakakitaan iti panagtulnog tayo ken Apo Jesus:

- Maysa kadagiti saan a mailibak a pammaneknek iti nabileg a panangbalaliw iti ebanghelio ket ti biag ni Pablo.
- Iti maysa kadagiti testimoniana ket kinunana nga, “Adda rebbengek kadagiti amin a tattao, Griego man wenno ganggannaet, kadagiti addaan adal wenno awanan. Isut’ gapuna nga aggagarak a mangikasaba iti Naimbag a Damag... Naan-anay ti panagtalekko iti ebanghelio ta isut’ pannakabalin ti Dios a mangisalakan kadagiti amin a mamati” (Aramid 1:14-16).

H. Ti regget tayo para ken Cristo ket iso iti sumrekan tayo ti Naindaklan a Bilin (Mateo 28:19-20)—sumaruno ti pannakasanay tayo:

- Gapu iti daytoy ket masapol a maamoan dagiti amin a tattao ni Jesu Cristo.
- Ken kasta met nga, iti amin, uray man pay dagiti nakurang ti pannakaammo ken pamay-an ket masapol a sigagarda nga ibingay ni Cristo.

I. Awisenna tayo ti naregget a panangiwaragawag iti Sao iti Dios nga agsadag ti bileg iti Sao iti Dios ken daytoy ti mangited kadatayo iti regget a ibingay ti naimbag a damag a pannakaisalakan kadagiti dadduma a tattao:

- Adalen tayo ti Biblia nga addaan iti pammati; kalpasanna ket ibingay tayo no ania ti ibagbaga iti Sao ti Dios kadagiti dadduma a tattao.
- Ti bileg iti ebanghelio ket agsao kadagiti puso iti tattao nga agkasapulan iti pannakaisubli ti langen-langenda ken Apo Dios.
- Ni Jesus ti nagited iti nasayaat nga ehemplo: “Immay ti Anak ti Tao a mangbirok ken mangisalakan iti napukaw” (Lukas 19:10). “adda ni Jesus idiaiy Templo. Isursurona dagiti tattao ken ikaskasabana kadakuada ti Naimbag a Damag” (Lukas 20:1a).

J. Ti naregget a panangiwaragawag iti Sao iti Dios ti mangkarit kadatayo tapno amoen tayo pay a naleng ni Cristo:

- Ibagbagana daytoy ti kinaasi-asino tayo, ti wagas iti panagbiag tayo. Mas dakdakel ti tarigagay tayo nga iwaragawag ti Sao iti Dios ngem ti tarigagay tayo ti biag. Babaen iti panangpili tayo nga agbiag ket pinili tayo met nga ibingay iti Sao ti Dios.
- Paneknekanna no ania ti ammo tayo. Kas iti pammaneknek iti bulsek nga inagasan ni Jesus, “Daytoy ti ammok: Bulsekak idi, ngem ita, makakitaakon!” (Juan 9:25)
- Padasenna no kasano ti panagyaman tayo daytoy a gundaway. “Awan imbayadyo iti inawatyo. Ngarud, diyo pabayadan ti ipaayyo” (Mateo 10:8b).

- K. Ti naregget r a panangiwaraagawag iti Sao iti Dios ti mangigapo tapno mangdisipulo tayo:
- Kabayatan iti panagbiag tayo ket tarigagayan tayo nga impluensyaan dagiti saan tayo nga am- ammo ken dagiti am- ammo tayo a tattao kas iti panangibingay tayo iti pammati tayo.
  - Dagiti amin a pasurot ni Cristo ket masapol a reggetenda ti relasyonda ti Dios tapno agbalin a gagangay laeng ti panangibingayda iti testimoniada kadagiti dadduma a tattao.

L. Ti naregget a panangibingay iti Sao iti Dios ket inspiraranna tayo nga agpanunot kadagiti wagas tapno maibingay tayo ti Saona:

- Aramatin: Kaspangarigan ti Jesus Film, Evangeball, ken Evangecube.
- Pamay-an—Ado iti pamay-an ngem maymaysa a mensahe.
- Pamuspusan—Panangibingay iti Sao iti Dios kadagiti ado a tattao, pannakigayyem ken personal a panangibingay iti Sao iti Dios, kadagiti babassit a bunggoy, ti siudad, ken dadduma pay a pamuspusan.

***Pagrebengan tayo nga ibingay ti Sao iti Dios kadagiti amin a tattao kas met laeng iti panangawat tayo iti daytoy.***

*—Phineas Bresee*

#### **4. Pinanggep a Panangdisipulo**

A. Inayaban ni Jesus iti iglesia tapno gagaraenna a mangdisipulo.

- “Inkay ngarud kadagiti amin a tattao iti amin a lugar, ket pagbalinenyo ida nga adalak: buniaganyo ida iti nagan ti Ama, ti Anak ken ti Espiritu Santo, ken isuroyo ida nga agtungpal kadagiti amin nga imbilinko kadakayo. Laglagipenyo nga addaakto nga agnanayon kadakayo agingga iti panungpalan ti lubong” (Mateo 28:19-20).
- Addaan ti iglesia iti naplano a pamay-an para ti panangdisipulo a kas ken Cristo.
- Dagiti kas ken Cristo a disipulo ket tattao nga adda ken Cristo, rumang-ay kas ken Cristo nga imahena ken aramidenna ti aramid ni Cristo. Ilibakda ti bagida, ayaten ken agtulnog da ti Dios iti amin a puso, kararua, panunot ken pigsa (Markos 12:30, Juan 15, Lukas 9).
- Ti ginagara pannakigayyem a panangdisipulo ket panangtulog kadagiti tattao tapno maparang-ayda ti natulnog ken nadekkt a relasyonda ken Jesus. Gapu iti daytoy a relasyon ket balbaliwan isuda iti Espiritu ni Cristo tapno agbalin a kas ken Cristo ti kababalinda— mabalbaliwan ti ipatpateg dagiti baro a namati iti ipatpateg iti pagarian ti Dios, ken mairamanda iti misyon ni Jesus kadagiti pagtaengan, iglesia ken ti entero a lubong.

B. Rugian tayo daytoy babaen iti panangallukoy tayo ti maysa a tao tapno maaddaan isuna iti bukod a relasyon ken Jesu Cristo.

- Mangrugi ti pammati ken Cristo babaen iti panangipudno iti basol ken pannakapakawan gapu ti parabor babaen iti panamati ken Jesu Cristo.
- Napabaron ti espirituna daytoy baro a parsua ken Cristo ken naibilangen isuna a paset iti familia iti Dios.

- Patauden ti napabaro nga espiritu ti nabaliwan a puso ken wagas iti panagbiag, pammaneknek iti parabor iti Dios kadagiti makaam-ammo kadakuada.
- Dagus a sanayen, adalan ken parang-ayen tayo daytoy baro a namati ket iyadal kadakuada a manipud pay laeng iti damo a saan laeng nga isuda iti naisalakan no di ket para met laeng daytoy kadagiti tattao a maipлуensyaan ken maidalanda ken Cristo. Mangdisipuloda met tapno mangdisipulo met dagiti nadisipuloanda.
- Kanayon ti panangdisipulo ti panangtulong iti maysa a tao tapno surotenna ni Jesus.

***Ti Pinanggep a panangdisipulo ket panangtulong kadagiti tattao tapno maparang-ayda ti natulnog ken nadek ket a relasyonda ken Jesus. Gapu iti daytoy a relasyon ket balbaliwan isuda iti Espiritu ni Cristo tapno agbalin a kas ken Cristo ti kababalinda—mabalbaliwan iti ipatpateg dagiti baro a namati ti panagipateg iti pagarian ti Dios, ken mairamanda ti misyon ni Jesus kadagiti pagtaengan, iiglesia ken ti entero a lubong.***

- C. Gagaraen tayo a parang-ayen dagiti kas ken Cristo a disipulo babaen iti nabileg a kaskasaba.
- Ikaskasaba dagiti papastor tayo ti mensahe no kasano a parang-ayen tayo ti pammati tayo ken Cristo.
  - Ikaskasaba dagiti papastor tayo dagiti mensahe a nagtaud ti Biblia ken taraknenda dagiti tattaoda tapno rumang-ayda ken tarigagayanda ti nauneg a panagbisin iti Sao ti Dios.
  - Us-usaren dagiti papastor tayo iti Sao ti Dios iti amin a panangdisipuloda.
  - Isursuro dagiti papastor tayo iti kamkamenda no kasano ti panagadal iti Biblia ken no ania ti kaipapananna daytoy ken no kasanoda nga ipakat daytoy ti panagbiagda.
  - Regregetan dagiti papastor tayo nga ikasaba ti entero a Sao iti Dios.
  - Pagtaltalkan dagiti papastor tayo ti Espiritu iti Dios a pabilgenna dagiti amin nga ar-aramidenda tapno agbalin a napudno ken kas ken Cristo a disipulo dagiti tattao.
  - Nagkasaba ni Jesus kadagiti ado a tattao ken naannad nga insuroanna dagiti disipulona babaen iti babassit a bunggoy.
  - Nagkasaba ni Jesus babaen kadagiti istorya tapno matulungan a makaadal dagiti tattao (Markos 4:34)

D. Itantandudo tayo dagiti klase iti Sunday School a mangparang-ay kadagiti disipulo tapno agbalinda a kas ken Cristo.

- Isursuro dagiti manursuro iti Sunday School tayo dagiti adal maipapan ti panagbalin a kas ken Cristo a disipulo babaen iti panangilawlawag iti Sao iti Dios ken ti panangipakat dagitoy ti biag.
- Ipangpangruna dagiti manursuro tayo iti Sunday School kadagiti nabiiit pay a namati uray no nalpasen ti panangisuroda tapno sungbatanda dagiti damdamagda maipapan ti nakristianoan a pammati ken makaritda a rumang-ay da babaen iti parabor iti Dios.
- Ti sistema iti panangisuro tayo ti Sunday School ket para kadagiti ubbing agengga kadagiti nataengan; ipapaayna daytoy ti naurnos ken agsasaruno nga adal iti entero a.
- Biblia. “Iruammo ti ubing iti umno a dalan ket uray inton lumakayen dinanto panawan” (Proverbio 22:6).

E. Paspasayaaten tayo dagiti babassit a bunggoy nga agad-adal iti Biblia nga agsisinnaket dagiti kameng iti bunggoy.

- Ipapaay iti babassit a bunggoy nga agad-adal iti Biblia ti nabunggoyan ken maysa ken maysa nga panagsisinnakit para kadagiti baro a namati ken uray pay kadagiti nataenganen ti pammatina.
- Babaen iti babassit a bunggoy ket maparang-ay ti nasayaat a relasyon. Mapalawa daytoy nga aramid ken mainayonto pay dagiti gagayem.
- Kanayon daytoy a bunggoy ti panagadal iti Biblia ken tungtungan a nangruna iti panagrang-ay ti pammati.
- Nagbalin daytoy a babassit a bunggoy iti panangdisipulo a sistema tapno matulungan dagiti kamkamengna uray pay no saan nga aldaw iti Domingo.

F. Karkariten tayo dagiti kas ken Cristo a disipulo ti naespirituan nga irarang-ay babaen iti naplano nga aramid iti iglesia.

- Ababa nga eksamen maipapan ti Biblia
- Caravan a ministerio kadagiti uubbing
- Vacation Bible Schools
- Paskua ken Paskua iti Panagungar a ministerio
- Panangipakita iti asi a ministerio
- Ministerio a panangdisipulo kadagiti dadduma a tattao
- Ministerio kadagiti lallaki, babbae, nataengan, awan asawana, naisingsingayan nga agkasapulan, bunggoy dagiti agay-ay-ayam, ken naduma-duma pay a bunggoy. Maparang-ay amin dagitoy tapno matulungan dagiti tattao nga maaddaanda iti relasyon ken Cristo ken iti iglesiana.

G. Makarit dagiti namati nga usarenda dagiti amin a pamay-an tapno rumang-ay iti pammatida.

- Basaenda iti Biblia babaen iti panangusar kadagiti makatulong nga adal tapno maawatanda a nalaeng daytoy; panagdenggeg kadagiti naibalikas a Sao ti Dios
- Inaldaw-aldaw a panagkararag
- Panagdenggeg kadagiti nakristianon a musika
- Panagbasa kadagiti nakristianoan a literatura
- Mangsapolka iti responsabli a kabsat ti pammati nga inaldaw-aldaw a mangikararag kenka tapno agbalinka a kas ken Cristo.

- Mangsapolka iti responsabli a kabsat ti pammati ken agay-ayat kenka ta damagenna kenka uray dagiti naririgat ken personal a damdamag.
- Parang-ayen iti disiplina ken aramid a kinanayon nga ibingay kadagiti dadduma a tattao iti naaramidan ti Dios iti biag mo.

H. Kariten tayo dagiti namati a suroenda iti inaldaw-aldaw a panangsarak iti presensia ti Dios.

- Mailadawan tayo iti nakristianoan a panagbiag a kas addaan iti nadekkt a relasyon iti Apo ken Mannubbot tayo nga ni Jesu Cristo.
- Ti ginagara a panangdisipulo ket napardas iti panagrang-ayna para iti panagbalin a kas ken Cristo kabayatan iti panangipaayda ti panawenda ken Cristo.
- No kasta ngarud ket inaldaw-aldaw nga denggen tayo ni Cristo; inaldaw-aldaw nga basaen tayo iti Saona; nanamen tayo iti inaldaw-aldaw a presensiana.
- Gagaraen dagiti kas ken Cristo a disipulos nga sarakem isuna ken kinanayon a sisasaganada nga ibingay Isuna kadagiti siasinoman.

***Iti kararag, Sao ti Dios ken ginagara nga panangtulong iti maysa ken maysa tapno agbalin a kas ken Cristo iti mangiladawan iti narigta a panangdisipulo iti uneg ti iglesia.***

I. Karkariten mi dagiti disipulo a gagaraenda met iti mangdisipulo

- Kinomision ken pinalubusanna tayo ti Apo a mangdisipulo (Mateo 28:19-20)
- Nabuyugan iti karkarag iti panangawis tayo kadagiti nataenganen a disipulo tapno gagaraenda iti mangdisipulo wenno isuroanna datayo.
- Nabuyugan iti karkarag nga awisen tayo dagiti babassit a bunggoy dagiti namati nga agbalinda a paset iti bunggoy a panangdisipulo.
- Ibingay tayo iti biag tayo kadagitoy a disipulos kas kakuyog tayo isuda nga saraken ti Apo.
- Mausear dagiti istorya sadiay Biblia a kas wagas iti panangisuro kadagiti babassit a bunggoy. Iso daytoy iti mangtulong kadagiti disipulo tapno maadalda iti Biblia ken iadal da met daytoy kadagiti gagayyemda.
- Kararag, ti Sao ti Dios, ken iti ginagara a panagtinnulong iti maysa ken maysa tapno agbalin a kas ken Cristo iti mangiladawan iti narigta a pangdisipulo iti uneg ti iglesia.

## ***5. Panagrang-ay iti Iglesia***

A. The Christian church began with Jesus Christ who started the first community of faith.

- Kanayon nga agtitipon ti Komunidad iti pammati tapno dayawenda ti Dios.
- Kalpasanna ket nangrugi iti panagrang-ay ken panagadoda kas naibangon dagiti baro nga iglesia babaen ti damo a panagmisyong da Pablo ken Barnabas. (Aramid 13-14)

B. Kalpasanna ket nangrugi iti maikadwa a panagmisyong ni Pablo. Planono nga agmula iti adu nga iglesia. Ngem inturong isuna iti Espiritu Santo iti sabali a direksyon (Aramid 16)

- Masapul a kanayon tayo a silulukat para ti baro a sirmata iti Dios ti trabahona ken paidalantayo ti Espiritu Santona.



- Ti sirmata ni Pablo. Saan a nagtaud daytoy kadagiti dadduma a tattao wenno ti panangala iti kapanunotan ti komunidad. Daytoy ket naggapu ti puso iti Dios. Isu nga ti sirmata nga agmula iti Iglesia ket masapul met nga agtaud iti puso ti Dios
- Naaddaan iti sirmata ni Pablo maipapan iti maysa a tao. Saan a naplano daytoy a sirmata. Saan met nga estratihiya, pagsasao, wenno programa. Nakapokus ti sirmata ni Pablo kadagiti napukaw a tattao. No kasta ngarud, iti sirmata tayo para iti panagmula kadagiti baro nga iglesia ket nakapokus met daytoy kadagiti napukaw a tattao nga agkasapulan iti relasyon ken Jesu Cristo.
- Addaan iti sirmata ni Pablo kadagiti tattao sadiay Macedonia. Daytoy a tao ket adda iti maysa a lugar, kultura, linguahe, ken pakastoryaan. Ni Apo Dios ikkannatayo iti sirmata a para ti napili a tattao wenno komunidad. Kasapulan nga saraken daytoy ken agtulnogyayo iti sirmata ti Dios kadayo.
- Adda iti sirmata ni Pablo ti tao a nakatakder sadiay Macedonia. No maipapan iti kasasaad ti biag ket saan a nababbaba iti kasasaadna daytoy a tao ngem ni Pablo. Pirrengen tayo ti mata iti maysa ken maysa. Daytoy a tao nga pangibingayantayo iti ebanghelio ket maikari iti respetotayo.
- Addaan iti sirmata ni Pablo iti maysa a tao nga sitatakder sadiay Macedonia ken ay-ayabanna isuna, “Umay ka tunganna kami!” Isu daytoy iti sirmata a mangiturong kadayo. Masapul a mapantayo kadagiti ciudad, kaaruba, kakabagian, tribo, ken familiatayo.

## Masapul nga iyeg tayo ni Cristo ditoy lubong.

- C. Karaman iti sirmata ti Dios iti agtultuloy a panangidaulona kas impakitan ken Pablo iti planona para iti panagrang-ay iti iglesia.
- Babae gayam daydiay tao a taga-Macedonia, saan a lalaki. Isuna ni Lydia a taga-Filipos nga isu ti nangawat daydiay a gundaway iti ministerio.
  - Nasarakan ni Pablo iti naayat unay a nangawat iti mensahena kadagiti babbae nga agkarkarag iti igid ti karayan.
  - Imbis koma nga idiy sinagoga ti Hudyo iti pangrugiana iti iglesia, inaramat na ti pagtaengan a kas pinangrugian na iti iglesia.
  - Ni Lydia nga aglaklako iti nangina a lupot a lila ti nangidaulo daytoy nga iglesia iti uneg ti balay.
  - No maminsan ket saan a masapol nga mausar dagiti dati a pamay-an para iti pannagparang-ay ti iglesia.
- D. Kasapulan iti adu a sakripisyo para iti panagmula ti iglesia.
- Naibalud da Pablo ken Silas gapu iti ministerioda. Sipapalubos da a nagsakripisyo. Nagkankantada kadagiti kankanta iti pagdaydayaw ti Dios kabayatan ti panagrigrigat da gapu Kenkuana. (Aramid 16:25)
  - Ita a panawen, mapadpadasan dagiti mangidaulo ken pasurot ni Jesus iti parehas a rigat a napadaan da Pablo ken Silas iti panagmulmula kadagiti iglesia. Kasapulan iti adu nga oras a karkarag, lulua, bannog, aramid, kwarta, ken no maminsan ket adu dagiti natay tapno makamula laeng iti iglesia.
  - Ngem uray no narigatan da Pablo ken Silas ket adu latta iti naimula nga iglesia gapu ti kapadaan iti guardia a taga-Filipos nga isu met iti nagbalin a baro a pastorda.

E. Masapol nga agbiag tayo ti presensia iti Dios tapno marikna tayo ti Espiritu Santona iti uray aniaman a kasasaad tayo.

- Saan a kinita da Paul ken Silas ti pannakasapsaplit ken pannakaibaludda a kas pannakaabakda. No di ket nariknada a pinagballigi isuda iti Espiritu ti Dios uray no dakes iti napasamak kadakuada.
- Ammo ni Pablo ken Silas nga idaldalan ida iti Espiritu ti Dios; ammoda nga aywanana ida.
- Iti gingined a napasamak sadiay pagbaludan ti Filipos ket mangipalagip kadatayo a ti Dios ket makibibiang uray pay ti kastoy a pasamak (Aramid 16:25-26). Saannatayo a malipatan no marigrigatan tayo ti panagministerio tayo.
- No agtulnog tayo iti Apo ken aramiden tayo ti pagayatanna, sigun iti tiempona, ket bumiang Isuna sigun iti tan-ok ken bilegna. Uray no supiatan iti dakes ti panagrang-ay iti pagarian ti Dios, iti kamaudiananna iti pagayatanna met laeng iti matungpal.
- Saan a datayo iti mangparparang-ay iti pagarian iti Dios, no di ket isuna a mismo iti mangaramid iti daytoy.

***Daytoy iti pannakaawat ti Iglesia Nazareno maipapan iti iglesia: Siasinoman a grupo a kanayon nga aggigimong para iti naespirituan a pannakaisuro, agdaydayaw, wenna panangisuro iti naipakaammo nga oras ken lugar nga addaan iti mangidadaulo, ken husto ti mensahe ken misyonna iti Iglesia Nazareno. Mabalín a bigbigen daytoy a kas iglesia ken maipakaammo ti distrito ken iti sapasap nga iglesia tapno maibilang daytoy a paset iti Iglesia Nazareno (Board of General Superintendents). Iti sabali a pagsasao, iti iglesia ket grupo iti namati, saan nga patakder wenna sanikua.***

F. Adun ti nagbaliwanna iti estratehia no kasano iti panangparang-ay iti Iglesia.

- Saan a nangibango iti patakder ti Kristiano nga Iglesia idi damo a 400 a tawen iti pakaistoryaan iti iglesia.
- Iti saan a nabayag ket immay iti kapanunotan maipapan iti pannakaididikar dagiti patakder, sanikua, ken iti pannakasaad iti agpastor para kadagiti iglesia.
- Itan ti Espiritu Santo ti mangidaldalan ti iglesia iti panagaduna babaen iti baro a wagas.
- Ti tunggal iglesia ket makarit nga agmula iti iglesia.
- Mabalín a balay wenna sadinoman a lugar iti paggigimongan.
- Tunggal pastor ket mangsanay iti agbalin a kaduwana a pastor nga agbalin a katulunganna.
- Ti kastoy a wagas ket saan a kasapulan iti kwarta tapno aganak iti iglesia; mabalín a tumulong dagiti kamkameng iti panagmula iti iglesia.
- Iti kastoy a pamay-an ket palubusan ti Dios nga umado iti iglesiana kadagiti baro a lugar iti entero a lubong; kasapulanna laeng iti natulnog a puso a mangawat iti parmata, sungbatanna iti ayab ti Dios, ken palubusanna nga idalan isuna ti Dios.

G. Iti panggep iti panagrang-ay ti iglesia ket isu ti panangdanon kadagiti tattao a saan pay nga nangawat ken Jesu-Cristo iti biagda.

- Kinuna ni Jesus nga, “Nasken nga ipakaammok ti Naimbag a Damag maipapan iti Pagarian ti Dios kadagiti dadduma pay nga ili, ta daytoy ti nangibaonan kaniak ti Dios” (Lukas 4:43).
  - Datayo ti pannakangiawat iti pagarian ti Dios isu nga isagut tayo iti biagtayo para iti pannakaparang-ay iti iglesia.
  - Iti panggep tayo ket saan nga mangsustinar iti organisasyon.
- kayat tayo nga adu pay dagiti tattao nga makaam-ammo ken Jesu Cristo a kas mannubbot ken mangisalakan da.
- Ngarud ket tartarigagayan tayo nga isuroan dagiti baro a namati tapno agbalinda a kas ken Cristo.
  - Kinuna ni Jesus, “kitaenyo a naimbag dagiti taltalon. Natangkenanen dagiti dawa ket mabalinen nga anien!” (Juan 4:35)

## 6. Manangbalbaliw a Panangidaulo

A. Tartarigagayan tayo a parang-ayen dagiti mangidadaulo babaen ti kas ken Cristo a wagas. Ni Jesus ti ehemplo tayo.

### *Ti manangbabaliw a mangidadaulo ket kas ken Cristo a pangulo.*

B. Natulnog ken napakumbaba dagiti manangbalbaliw a mangidadaulo.

- Surutenda ni Jesu Cristo a nagpaidalan iti pagayatan ti Ama (Filipos 2:5-8)
- Agtalekda ti Dios nga sungbatanna dagiti karkararagda ken ipaayna dagiti amin a kasapulanda (Juan 15:7)
- Paiturayanda ken saanda nga itantandudo ti bukodda bagbagi. (Efeso 5:21)

C. Managserbi dagiti manangbalbaliw a mangidadaulo.

- Sursurotenda iti ehemplo ni Jesu Cristo a saan nga immay tapno pagserbian no to di ket isuna iti nagserbi. (Markos 10:45; Mateo 20:28).
- Nangidauloda babaen iti kastoy nga espiritu ken managserbi a kababalin (Filipos 2).

D. Addaan iti sirmata dagiti manangbalbaliw a mangidadaulo.

- “No sadino ti awanan ti sirmata, ti ili iwagsacna ti pannacatengngel; ngem ti mangsalimetmet iti linteg nagasat” (Proverbio 29:18).
- “Ket ni Jehova simmungbat caniac, ket kinunana, Isuratmo ti sirmata, ket aramidem a nabatad cadagiti tapi, tapno napardas coma a basaen” (Habakkuk 2:2).
- Inladawan a nalaeng ni Jesus ti langa iti pagarian iti Dios; masapol a kastoy met ti aramiden tayo tapno nalawag a maawatanda daytoy.
- Daytoy a galad ti mangilasin iti nagdumaan ti pasurot ken mangidadaulo. Sukimaten dagiti addaan sirmata a mangidadaulo iti sirmata ti Dios para ti iglesia ken kadagiti komunidad ken ibingay da met daytoy a sirmata kadagiti dadduma.

- E. Agpampanunot a nalaeng dagiti pamuspusan dagiti manangbalbaliw a mangidadaulo.
- Addaanda iti kabaelan nga ibingay kadagiti tattao ti sirmata tapno mausarda para ti pagarian iti Dios.
  - Maawatanda iti agdama a mapasasamak ken mangsapolda iti sungbat iti Biblia a kas inaramid idi dagiti annak ni Issacar (1 Cronicas 12:32)
  - Sinirmatada dagiti karkararua a masapol a maisaklang ti pagarian iti Dios.
  - Impakatda dagitoy a sirmata ken inusarda dagiti namati tapno ad-ado pay ti maaramidanda.
  - Pinagbalinda a nalaka laeng nga maawatan dagiti sirmata ken misyon tapno nabunga dagitoy. (Lukas 14:28-30)
- F. Manangbukel iti panagkakadua dagiti manangbalbaliw a mangidadaulo.
- Ni Jesus ti modelo tayo; imbis nga aramiden na koma amin ti ministerio ket nangbukel isuna iti panagkakadua ken pinabileg na daytoy (Mateo 10).
  - Gagangay laeng a tattao dagiti disipulos ni Jesus, ngem niriribukda ti lubong (Aramid 17:6).
  - Dagiti manangbalbaliw a mangidadaulo ket mangbukelda iti panagkakadua a mainayon dagiti amin a kamkameng ti iglesia tapno aramidenda ti ministerio iti pagarian iti Dios.
- G. Dagiti manangbalbaliw a mangidadaulo ket patpatalgedanda ti kinakaasi.
- Idi imbaon ni Jesus dagiti disipulona tapno iwaragawagda ti Sao iti Dios ket binilinna isuda a “masapul a nasiribkayo a kas iti uleg ken naamokayo a kas iti kalapati” (Mateo 10:16).
  - Dagiti manangbalbaliw a mangidadaulo ket masapol nga ammoda a balansien ti parabor ken linteg, hustisya ken kaasi, a nabuyugan iti kinasanto.
  - Masapol a nasirebda a mangikeddeng ken pagtakderanda dagiti desisyonda.
  - Ngem masapol met a nabuyugan ti kaasi dagiti desisyonda.
  - Masapol a nabuyugan ti ayat iti panangibagada iti kinapudno. (Efeso 4:15)
- H. Dagiti manangbalbaliw a mangidadaulo ket nalawag ti pannakisaritada.
- Kabayatan iti ministerio ni Jesus ditoy rabaw iti daga ket masansan nga ibagbagana a dagiti “addaan laplapayagna a pagdengngeg, dumngeg coma” (Mateo 13:43). Kayat ni Jesus a dumngeg a nalaeng dagiti pasurotna.
  - Kas iti inaramid ni Jesu Cristo ket masapol a nalawag ken husto ti ibagbaga dagiti manangbalbaliw a mangidadaulo.
  - Maawatan dagiti manangbalbaliw a mangidadaulo a nangruna ti nalawag, nagtutunos, ken mangallukoy a pannakitungtong: “No di nalawag ti pannakapuyot ti trumpeta, siasino ti agsagana a makigubat?” (1 Corinto 14:8)
- I. Dagiti manangbalbaliw a mangidadaulo ket pabilgenna dagiti dadduma tapno mapataud ti baro a henerasyon a mangidadaulo iti iglesia.
- Gapu ti estilo iti panangidadaulo ni Josue ket awan ti napataud a nangidadaulo iti sumaruno a henerasyon; nangidadaulo laeng isuna iti bukodna a henerasyon (Uk-ukom 2:10)
  - Saan a mangmangbangon iti bukodda a pagarina dagiti manangbalbaliw a mangidadaulo ket no di ket sanayenda ti agdama ken sumarsaruno pay a henerasyon.
  - Ilasin, sanayen ken pabilgenda dagiti manursuro. Kalpasanna ket isagana, pabilgen, ken aramaten dagitoy a manursuro dagitoy nasanayen a papangulo para ti pagsayaatan iti pagarian iti Dios.
  - Awan ti agballigi a panangidadaulo no awan ti sumukat kadakuada. “Ikumitmo kadagiti tattao a mapagtalkan dagiti pannursuro a nangngegmo nga inkasabak iti sangoanan ti adu a saksi. Isudanto met ti mangisuro kadagiti sabali” (2 Timoteo 2:2).

## ***7. Ginagara a panagipakita iti kaasi***

- A. Ipakpakita iti ginagara a panangipakita iti kaasi ti naayat a puso iti Dios.
- Ti panangipatulod ti Dios ti Anakna ditoy lubong ken ti ipapatay ni Jesus para ti sangkataoan ket isu ti kauudian a sagot iti ayat ken kaasina.
  - Ibagbaga kadayo iti Juan 3:16-17 nga gapu ti nalapusanan nga ayat ti Dios ket impaayna ti Anak tapno ti kasta ket maaddaan tayo iti agnanayon a biag. Kastoy met laeng ti ibagbaga iti 1 Juan 3:16-17. Ibagbagana nga impakita ti Dios iti ayatna ti sangalubungan babaen iti napudno a panangipakitana iti asina para kadagiti tattao.
  - Ipakpakita iti biag, ministerio, ipapatay ken panagungar ni Jesus ti ayatna para ti tao ken para ti entero a lubong (Mateo 9:36).
- B. Ti ginagara a panangipakita iti kaasi ket kinanayon a maaramid gapu ti nagan ni Jesus.
- Ni Jesus ti modelo tayo ti panangipakita iti kaasi. Makita tayo sadiay ebanghelio a natignay ni Jesus tapno “makipagsagaba” isuna ti entero a sangkataoan.
  - Naasian ni Jesus ket impakitana ti ayat ken asina kadagiti marigrigat, napukaw, masakit, nakapoy ken maidaddadanes.
  - Tao ken Dios ni Jesus, isuna ti modelo tayo no kasano tayo nga agbiag ken no kasano tayo nga

***Agserbi, mangtulog ken ipakita tayo iti asi tayo gapu ti nagan ni Jesus, ken aramiden tayo dagitoy tapno ipakita tayo ti ayatna.***





C. Ti ginagara a panangipakita iti kaasi ket raemenna ti dignidad iti tao

- Iyaw-awat dagiti tattao ti Dios iti namnama, ayat, ken tulong gapu ti nagan ni Jesus iti wagas a mapadayawan iti tao gapu ta patienna a naparsua ti tao iti imahe ti Dios.
- Ti laeng gapuna no apay nga ipakita tayo iti kaasi tayo ket tapno iyawat tayo iti ayat ti Dios babaen ken Cristo.

D. Kadawyan nga agayos iti ginagara a panangipakita iti kaasi manipod kadagiti nabalbaliwan a namati ken Jesus.

- Naayaban iti iglesia tapno ipakitana ti ayat ken kaasi ti Dios ditoy lubong.
- Saan a makumpleto ti panangipakita iti asi babaen iti aramid laeng wenno ti pannakitipon kadagiti sosyal nga aktibismo.
- Kas paset iti Bagi ni Cristo, ket ipakita tayo iti asi ken tulong tayo iti amin a paset iti biag ti tao. Naibatay daytoy iti biag ni Jesus ken ti panangidalan iti Espiritu Santo.
- Banaliwan ti Espiritu Santo iti puso dagiti namati. Gapu iti daytoy ket isudan ti mangiyeg iti pisikal, sosyal, ken espiritual a panagbalbaliw ditoy lubong.
- Masapol nga agbalin a paset iti biag ken ministerio ti kongregasyon iti panangipakita iti asi.

E. Ti ginagara a panangipakita iti kaasi ket iso ti kaipapananna iti sibubukel a Wesleyan a misyon.

- Imbaonna tayo ti Dios Ama ken pinabilegna tayo ti Espiritu Santo tapno mapan iti entero a lubong tapno ayaten ken agserbi tayo ti Apo.
- Mamati tayo nga agtigtignayen ti Dios Ama babaen iti pannakabalin ti Espiritu iti biag ti tunggal maysa a tao, ken naayaban tayo a makidanggay daytoy nga aramid.
- Ti pudno a panangiaragawag iti Sao ti Dios ket idanunna ti ayab ken kari nga isakit, tulungan ken ibingay tayo ti biag tayo a kas namati kadagiti tattao nga adda ti aglawlaw tayo.
- Babaen ti nagan ni Jesus ket makipagrikna tayo kadagiti marigrigatan ken masaksaktan, ken iyeg tayo ti pannakaagas, namnama, kapia ken ayat kadagiti tattao nga agkasapulan, maidaddadanes ken nakapoy.
- Nadekket tayo ti maysa ken maysa babaen iti panaggagayem a nabuyugan iti ayat ken komunidad, nga iso ti mangiyed iti panagbalbaliw ti sosyodad. Kastoy met laeng a wagas no kasano a mangbangon ken mapalawa iti Bagi ni Cristo.

F. Ti ginagara a panangipakita iti kaasi ket agayos manipod ti biag tayo a kas pakakitaan iti kari tayo ti misyon ti Dios nga isalakanna iti lubong a napnoan iti basol.

- Saraken tayo tapno makita, mangngeg, ken tulungan dagiti marigrigatan ken masaksaktan a tattao a kas met laeng iti inaramid ti Dios.
- Tartarigagayan tayo nga usaren dagiti amin nga adda kadaytoy tapno mapasayaat tayo iti kasasaad iti tao ken saraken iti plano ti Dios a pannakaisubli, sibubukel, pannakaisalakan, ken kapia para ti lubong.
- Ken kasta met a padpadasen tayo a tarimaanen ti sistema dagiti sosyodad nga awanan iti hustisya ken mangnayon iti pannakaparigat dagiti tattao ken ti kinadakes ditoy lubong, ken aramiden tayo dagitoy gapu ti nagan ni Jesus.
- Ar-aramiden tayo amin daytoy tapno makatulong tayo a matungpal iti misyon ti Apo ken tapno maidayyaw Isuna. (Mikias 6:8)





# ITI WESLEYAN A TEOLOHIYA TAYO

## Iti Milagro ti Manangbalbaliw a Parabor

“Mas nabilbileg ti parabor ngem ti basol tayo.” Nagsayaaten a kapanunotan daytoy! Dayta ket damo laeng a paset nga linya iti maysa nga imno.

Babaen ken Jesus, ket nagbalin a tao ti Dios ken nagaramid iti pamuspusan tapno maikapia kenkuana iti lubong (Juan 3:15-16; Roma 1:1-16). Kabayatan ti kinamanagbasol tayo ket indaton iti Dios ni Cristo tapno babaen iti ipapatayna ket napakawan tayon kadagiti basbasol tayo (Roma 3:25). Binaklay ti Dios a namarsua iti lubong dagiti basbasol tayo ken impaayna kadatayo iti pannakaisalakan!

Babaen ken Cristo, nga iso iti kinalinteg ti Dios- ket naipaduyakyak ti pannakaisalakanna (Roma 3:21). No saanna koma nga inaramid daytoy ti Dios ket awanan tayo iti namnama ken naisina tayo kenkuana (Efeso 1:5-2:10). Gapu ti daytoy ket naparmeken dagiti amin a pannakabalin ken bileg a namagsina kadatayo ti Dios (Colosas 2:15). Itan ket “babaen iti pammati tayo ken Jesu Cristo” (Roma 3:22), nawayawayaan tayon (Roma 8:2)!

Sinukog iti Baro a Tulag ti maysa a tuloy-tuloy nga imno iti panagdayaw ken Apo Dios a nangipakita ti aglaplapanan nga ayatna kadatayo (Efeso 1:6-10). Babaen ken Cristo ket intay naimatangan ti dayag iti Dios. Ken maimatangan met dagiti amin a nangawat ken Cristo iti dayag ti Dios. (Colosas 2:8-15). Kalpasan nga inutob ni Pablo dagiti pagsayaatan nga impaay iti parabor ti Dios ket kinunana nga, “Anian a kinabaknang ti Dios! Anian a naguneg ti sirib ken ammona!” (Roma 11:33). Mabalín a mailasin dagiti dadduma a kinabaknang: pannakapakawan iti basol, ti agnanaed kadatayo nga Espiritu, pannakasukog tayo ti imahe ni Cristo, agnanayon a biag, kapia ken Apo Dios, pannakasangtifíkar, ti langgen-langgen iti Iglesia, ken namnama para iti panagsubli ti Apo.

Ildi nagsao ni Jesus ket ti “naimbag a damage” iti nangngegan dagiti ado a tattao. Daytoy ket, siwayawaya nga inkapiana ti Dios dagiti tattao kenkuana. Uray ti kagurgura nga agkolkolekta ti buwis ken ti nakikamalala a babae, kalpasan a nangngegda iti naimbag a damag, ket mabalín a mapakawan ken maawatda ti agnanayon a biag. Sipapalubos nga ipaay ti Dios iti kinadíosna kadagiti mangbigbig nga awan ti kabaelanda a mangawat iti paraborna (Lukas 15).

Sakbay a maamoan tayo daytoy ket agtignayen kadatayo ti Espiritu Santo, aw-awisenna tayon iti pannakaisalakan a kapadasan. Kinuna iti Salmista nga awan ti lugar a saan a makangngeg iti Sao ti Dios (Salmo 19:3). Kinuna ni Pablo a ti amin a kanito ket nakadepende ken Cristo dagiti amin a pinarsua (Colosas 1:15-17). Kinuna ni Juan a nilawagan ni Cristo dagiti amin a tattao (Juan 1:9).

Ti wagas a ti laeng kinalaeng nga agpanunot ket kinamatalek ti Dios ti makaartap, ket agtignay ti Espiritu Santo iti tao ken ti pakaistoryaan iti sosyodad tapno maisagana dagiti daldalan para ti pannakaiwaragawag iti Naimbag a Damag. Immununa isuna sakbay a maiwaragawag ti Naimbag a Damag ken isagsagananan iti tao a denggenna daytoy- ken sapay koma ta awatenna- iti Naimbag a Damag.

No sublianan tayo a kitaen daytoy ket mabalín nga amirisin dagiti amin a Kristiano no kasano a nagtignay kadakuada ti Espiritu tapno maisalakanda. Ti awag tayo daytoy ket “prevenient grace,” wenna ti immuna a parabor.

Para kadatayo ti Dios. Amin a nalpasanen ti Dios babaen iti Anakna ket iyaw-awatna dagitoy babaen iti Espiritu Santo. Pudno unay a ti amin a pinarsua ket napaimbag gapu ti pannakaisalakan nga inaramid iti Dios Ama babaen iti Anakna. (Roma 8:19-25).

Pannakapalinteg ti awag tayo ti daytoy nga aramid iti Dios. Ta pinakawan ken isuna met laeng ti nangikapia kenkuana kadagiti amin a managbasol. Ti pannakapalinteg- daytoy ket ti pannakaisubli tayo iti asi ti Dios ket gapu ti parabor ken babaen laeng iti pammati.

Ti pannakapalinteg ket maysa laeng a paset iti aramid ti Dios a pannakaisalakan. Ti maikadua a pagsayaatan a naitedna daytoy ket agnanaeden ti Espiritu Santo iti biag ti nagbabawin a managbasol tapno isimpana ti biagna ti Dios. Babaen iti Espiritu ti Dios ket maysa isunan a baron a parsua. Daytoy a pasamak ket aw-awagan ti Baro a Tulag a baro a parsua, pannakaiyanak manen, pannakaiyanak manipud sadi langit, agnanayon a biag, iseserrek ti pagarian iti Dios, pannagna ti baro a biag, ken biag babaen ti Espiritu.

Uray aniaman a lenguahe, babaen iti parabor ti Dios, ket agnaed ti Espiritu Santo iti Kristiano ken balbaliwanna daytoy a namati. Idi ket adda patay, itan ket addaenen iti biag; idi ket riribuk, itan ket naikapian ti Dios; idi ket awanan ti namnama, itan ket addaenen iti namnama. Impablaak iti Baro a Tulag a, “Maysa a baro a parsua ti siasinoman a mainaig ken ni Cristo. Naglabasen dagiti daan a banag ket dimtengen dagiti baro. Inaramid amin iti Dios daytoy” (2 Corinto 5:17-18a).

Ibagbaga iti Baro a Tulag a dagiti Kristiano ket agbibbiag dan “ken Cristo” ken agbibbiag metten ni Cristo kadakuada. Ti maysa pay a pasetna daytoy ket naikapian dagiti Kristiano ken Apo Dios gapu ti panamatida a nakipamaysa dan “ken Cristo” (Roma 8:1), ta ni Cristo iti nangikapia ti Dios Ama kadagiti managbasol a nagbabawin kadagiti basbasolda.


Ngem ibagbaga met laeng kadatayo iti Baro a Tulag a ni Cristo ti “namanama iti dayag” (Colosas 1:27). Babaen ti Espiritu Santo, ti nagungar a Cristo ket imbingayna ti biagna kadagiti tattaona. Agbibbiagen isuna kadakuada ken parnuayenna kadakuada ti bunga ti Espiritu (Galatia 5:22-23).

Ngem ado dagiti agdamdamag no ania ngay a kita ti naespirituan a biag ti masapol nga ipakita iti maysa a Kristiano? Adda pay laeng kadi kaniak ti panagtarigagay iti basol? Wenno napinpintas a biag ti iyaw-awat kaniak iti Espiritu ti Dios nga agbibbiagen ita kaniak?” Daytoy ti sungbat iti Baro a Tulag: “ta nabilbileg ti Espiritu nga adda kadakayo ngem ti espiritu nga adda kadagiti taga-lubong” (1 Juan 4:4).

Ti met laeng pannakabalin a nangpagungar ken Jesu Cristo manipod ti patay—napagballigiannan ti patay, impierno, basol ken ti tanen—ket iso met laeng ti pannakabalin nga agtrabtrabaho kadatayo babaen iti Espiritu Santo (Efeso 1:19). Idi ket iturturayyan tayo ti basol ken patay. Ngem itan ket, “ti linteg ti Espiritu a mangted kadatayo ti biag iti kaaddatayo ken ni Cristo Jesus, winayawayaannak ti linteg iti basol ken iti patay” (Roma 8:2).

Ti naragsak a pagtuladan dagiti amin a Kristiano ket mapnoanda koma iti Espiritu Santo, a saanda koma nga agbibbiag iti naisalasagan a biag no di ket sigun ti Espiritu ti Dios (Roma 8:1-8). Napadasamon kadin ti managbalbaliw a parabor iti Dios?

“The Miracle of Transforming Grace” essay taken from, *The Reflecting God Study Bible*® 2000. Bible copyright by The Zondervan Corporation and Essay by Beacon Hill Press of Kansas City. Used by permission of Publisher. All rights reserved.



# IGLESIA NAZARENO\*

## ARTIKULO ITI PAMMATI

### PANGIRUGI

Tapno ti kasta ket maaywanan tayo ti tawid nga inted ti Dios kadatayo, ti pammati a nagtaud kadagiti namati ti Dios, nangruna ti doktrina ken kapadasan a naan-anay a panagsanto kas maikadua a trabaho iti parabor, ken tapno makitunos tayo kadagiti dadduma nga denominasyon para ti pannakailawa iti pagarian ti Dios, datayo, dagiti ministro ken kamkameng iti Iglesia Nazareno, sigun dagiti naited kadatayo nga annuroten, ket isapata, awaten, ken patalgedan dagiti allagaden ken annuroten iti Iglesia Nazareno, ti Artikulo ti Pammati, Tulag iti Nakristianoan a Kababalin, ken iti Artikulo iti Organisasyon ken iti Gobierno. Ket dagitoy ngarud dagiti paktaktakderan mi:



#### I. Ti Trinidad

**1.** Mamati tayo ti maymaysa, agnanayon ken awan pagpatengganna a Dios, Kangangatuan a Namarsua ken Mangtengtengel ti lubong; nga isuna laeng ti Dios, nasantuan ti kababalin, ugali ken paggep. Ti Dios a nasantuan nga ayat ken silaw ket Trinidad ti kababalinna, naipaduyakyak a kas Ama, Anak, ken Espiritu Santo.

(Genesis 1:1; Levitico 19:2; Deutoronomio 6:4-5; Isaias 5:16; 6:1-7; 40:18-31; Mateo 3:16-17; 28:19-20; Juan 14:6-27; 1 Corinto 8:2, 2 Corinto 13:14; Galatia 4:4-6; Efeso 2:13-18; 1 Juan 1:5; 4:8)

#### II . Jesu Cristo



**2.** Mamati tayo ken Jesu Cristo, ti Maikadua a Persona iti Trinidad a Dios; nga agnanayon a makipagmaymaysa isuna iti Dios Ama; a nagbalin isuna a tao babaen ti Espiritu Santo ken naiyanak isuna manipod ken Birhen Maria, ta iti dua a sibubukel ken awan pagkuranganna a kababalin, daytoy ket ti Dios ken kinatao, ket naikaysa ti maysa a Persona, Dios ken tao, ti Dios ken tao.

Mamati tayo a natay ni Jesu Cristo para kadagiti basbasol tayo, ken awan duduana a nagungar isuna manipod ti patay ken innalana met laeng ti bagi ken dagiti amin a banag maipapan iti awan pagkurangan a katatao, immuli isuna sadiay langit ket isuna ti mangibabaet kadayo ita.  
(Mateo 1:20-25; 16:15-16; Lukas 1:26-35; Juan 1:1-18; Aramid 2:22-36; Roma 8:3, 32-34; Galatia 4:4-5; Filipos 2:5-11; Colosas 1:12-22; 1 Timoteo 6:14-16; Hebreo 1:1-5; 7:22-28; 9:24-28; 1 Juan 1:1-3; 4:2-3, 15)



### III . Ti Espiritu Santo

**3.** Mamati tayo ti Espiritu Santo, iti Maikatlo a Persona iti Trinidad a Dios, a kinanayon nga adda Isuna ken naregta isuna ti uneg ken kakuyogna iti Iglesia ni Jesu Cristo, ibagbagana a managbasol iti lubong, ikkanna iti baro a biag dagiti agbabawi ken mamati, sangtifikaranna dagiti namati, ken idallanna tayo ti kinapudna maipapan ken Jesus.

(Juan 7:39; 14:15-18, 26; 16:7-15; Aramid 2:33; 15:8-9; Roma 8:1-27; Galatia 3:1-14; 4:6; Efeso 3:14-21; 1 Tesalonica 4:7-8; 2 Tesalonica 2:13; 1 Pedro 1:2; 1 Juan 3:24; 4:13)

### IV. Ti Nasantuan a Surat



**4.** Mamati tayo a nainspiraran ti amin a paset iti Nasantuan a Surat, ken matarusan tayo a dagiti 66 a libro ti Daan ken Baro a Tulag, ket naited babaen ti nadosan nga inspirasyon, awan iti kamalina nga ipakpakaammo iti pagayatan iti Dios maipapan kadagiti amin a kasapulan a banag para ti pannakaisalakan tayo, isu nga banag a saan nga masarakan ti Nasantuan a Surat ket saan a mainayon a kas artikulo iti pammati.

(Lukas 24:44-47; Juan 10:35; 1 Corinto 15:3-4; 2 Timothy 3:15-17; 1 Peter 1:10-12; 2 Peter 1:20-21)



### V. Basol, Orihinal ken Personal

**5.** Mamati tayo a ti basol ket immay ditoy lubong babaen iti panagsukir dagiti immuna a dadakkel tayo, ken immay met iti patay gapu ti basol. Mamati tayo nga adda ti dua a kita iti basol: orihinal a basol wenna kinadakes, ken iti bukod nga aramid wenna personal a basol.

**5.1.** WMamati tayo nga ti orihinal a basol, wenna kinadakes, ket ti pannakadadael iti katatao dagiti amin a kaputusan ni Adan. Gapu ti daytoy ket napukawen dagiti amin a tattao iti dati a kinalintegna wenna iti puro a kasasaad dagiti damo a dadakkel tayo idi naparsuada, daytoy ket simmupiat ken immadayo tayo manipod ti Dios, ken awanan tayon iti naespirituan a biag, ken agtultuloy ti panagruknoy tayo ti basol. Mamati tayo pay nga adda latta ti orihinal a basol iti biag dagiti namati ken Jesus, agengga a naan-anay a madalusan iti puso babaen iti panangbautismo ti Espiritu Santo.



**5.2.** Mamati tayo a naiduma ti orihinal a basol manipod ti bukod nga aramid a basol. Daytoy orihinal a basol ket tawid a basol nga iso ti mangiturong ti tao nga agaramid iti basol. Ket saan a maikaro daytoy a basol agengga a saan nga awaten wenno saan nga ikankano iti maysa a tao ti nadioasan a pamuspusan.

**5.3.** Mamati tayo nga ti bukod nga inaramid a basol ket siwayawaya a pananglabsing ti ammo nga linteg ti Dios ti maysa a napudno ken responsabli nga tao. No kasta ngarud ket naiduma daytoy manipod iti saan nga in-gagara a pagkapuyan, pakapilawan, kamali, biddut, dagiti saan a maaramidan a banag, wenno ti panangsiasa kadagiti awan pagkuranganna nga annuroten a natda nga bunga iti Basol. Nupay kasta, saan a kanayon dagiti bunga iti kababalin wenno aramid a maikaniwas iti espiritu ni Cristo, a maawagan iti basbasol ti espiritu. Mamati tayo nga iti bukod nga aramid a basol ket iti panaglabsing iti linteg ti ayat; ken no maipapan ken Cristo daytoy a kita iti basol ket mailaglawag a kas saan a panamati ken Cristo.

(Orihinal a basol: Genesis 3; 6:5; Job 15:14; Salmo 51:5; Jeremias 17:91-10; Markos 7:21-23; Roma 1:18-25; 5:12-14; 7:1-8-9; 1 Corinto 3:1-4; Galatia 5:16-25; 1 Juan 1:7-8.

Bukod nga aramid a basol: Mateo 22:36-40 {kanayonna iti 1 Juan 3:4}; Juan 8:34-36; 16:8-9; Roma 3:23; 6:15-23; 8:18-24; 14:23; 1 Juan 1:9-2:4; 3:7-10)

## VI. Pannakasubbot



**6.** Mamati tayo a babaen iti panagsagaba, panagayos iti dara ken iti ipapatay ni Cristo sadiay krus, ket naan-anayen a sinubbotna dagiti amin a basol iti tao, ken iti panangsubbotna ket isu laeng ti pakaisalakanan, ken umdasen daytoy para kadagiti amin a tatao. Karamanna daytoy a panangsubbot dagiti awan iti kabaelanna nga agekeddeng ti bukukodda ken dagiti inosente pay nga ubbing ngem karamanna met daytoy a panangsubbot dagiti tattao a kabaelanda ti agekeddeng ti bukukodda no agbabawida ken mamatida.

(Isaias 53:5-6, 11; Markos 10:45; Lukas 24:46-48; Juan 1:29; 3:14-17; Aramid 4:10-12; Roma 3:21-26; 4:17-25; 5:6-21; 1 Corinto 6:20; 2 Corinto 5:14-21; Galatia 1:3-4; 3:13-14; Coloasa 1:19-23; 1 Timoteo 2:3-6; Tito 2:11-14; Hebreo 2:9; 9:11-14; 13:12; 1 Pedro 1:18-21; 2:19-25; 1 Juan 2:1-2)



## VII . Ti Immununa a Parabor

**7.** Mamati tayo a kanayon ti pannakaparsua tayo a kalanglanga ti Dios iti kabaelan nga agpili iti nasayaat ken dakes ken responsabli dagiti tattao ti aramid; a gapu ti panagbasol ni Adan ket nagbalinda a dakes ta saandan a kabaelan nga umasideg ti Dios babaen iti bukodda nga aramid ken pammati. Ngem mamati tayo met nga gapu iti parabor ti Dios babaen ken Jesu Cristo ket siwayawaya a naipaay kadagiti amin a tattao, ket ikkana ti kabaelan dagiti siasinoman nga agbabawi kadagiti basbasolna, mamati ken Jesu Cristo para ti pannakapakawan ken pannakaugas ti basol, ken agaramid kadagiti naiimbag ken makaay-ayo a bambanag iti imatang ti Dios.

Mamati tayo nga uray no naisalakan ken nasangtifikaranen ti tao ket mabalinna latta ti maiyadayo ti parabor iti Dios, malaksid no agbabawi isuna kadagiti basbasolna ket mapukawnan ti namnamana ken agnanayonen isuna a maiyadayo ti Dios.

(Panagbalin a kalanglanga iti Dios ken responsabli: Genesis 1:26-27; 2:16-17; Deutoronomio 28:1-2; 30:19; Josue 24:15; Salmo 8:3-5; Isaias 1:8-10; Jeremias 31:29-30; Ezekiel 18:1-4; Mikias 6:8; Roma 1:19-20; 2:1-16; 14:7-12; Galatia 6:7-.Gagangay nga awan iti kabaelan: Job 14:4; 15:14; Salmo 14:1-4; 51:5; Juan 3:6a; Roma 3:10-12; 5:12-14, 20a; 7:14-25. Libre a parabor ken aramid ti pammati: Ezekiel 18:25-26; Juan 1:12-13; 3:6b; Aramid 5:31; Roma 5:6-8, 18; 6:15-16, 23; 10:6-8; 11:22; 1 Corinto 2:9-14; 10:1-12; 2 Corinto 5:18-19; Galatia 5:6; Efeso 2:8-10; Filipos 2:12-13; Colosas 1:21-23; 2 Timoteo 4:10a; Tito 2:11-14; Hebreo 2:1-3; 3:12-15; 6:4-6; 10:26-31; Santiago 2:18-22; 2 Pedro 1:10-11; 2:20-22)

## VIII . Panagbabawi



**8.** Mamati tayo nga ti panagbabawi, daytoy ket ti napudno ken naan-anay a panagbalbaliw iti panunot maipapan ti basol, panangbigbig iti basol ken sipapalubos nga adaywan daytoy, ket kidkiddawen kadagiti amin a babaen iti panggep ken aramid ket nagbasolda ti Dios. Ipaay ti Espiritu Santo kadagiti amin nga agbabawi iti tulong ken namnama tapno mamatida a napakawandan ken naaddaandan iti naespirituan a biag.

(2 Cronicas 7:14; Salmo 32:5-6; 51:1-17; Isaias 55:6-7; Jeremias 3:12-14; Ezekiel 18:30-32; 33:14-16; Markos 1:14-15; Lukas 3:1-14; 13:1-5; 18:9-14; Aramid 2:38; 3:19; 5:31; 17:30-31; 26:16-18; Roma 2:4; 2 Corinto 7:8-11; 1 Tesalonica 1:9; 2 Pedro 3:9)



## IX. Pannakapalinteg, pannakaipasngay iti baro a biag babaen iti Espiritu Santo, ken Panagbalin a paset iti familia ti Dios

**9.** Mamati tayo nga iti pannakapalinteg ket naparaburan ken nalinteg nga aramid iti Dios ta naan-anay a pinakawanna dagiti amin a basol ken winayawayaanna iti tao manipod ti supapak iti inaramidda a basbasol, ken panangawat a kas nalinteg, kadagiti amin a mamati ken Jesu Cristo ken awatenda isuna a kas Apo ken Mannubbotda.

**9.1.** Mamati tayo nga iti pannakaipasngay iti baro a biag babaen iti Espiritu Santo, wenna iti pannakaiyanak babaen iti espiritu, ket aramid ti Dios daytoy gapu iti parabor. Gapu iti daytoy, ti katatao ti nagbabawi a namati ket nariing ti espirituan nga aspetuna ken naikkan iti naespirituan a biag, ta kabaellan ti mamati, agayat, ken agtulnog.

**9.2.** Mamati tayo a babaen iti kaasi ken aramid ti Dios ket nagbalin tayon a paset iti familiana. Gapu iti daytoy ket nagbalinen nga anak ti Dios iti napalinteg ken naipasngayen iti baro a biag babaen iti Espiritu Santo

**9.3.** Mamati tayo nga iti pannakapalinteg, iti pannakaipasngay iti baro a biag babaen iti Espiritu Santo, ken panagbalin a paset iti familia iti Dios ket agkukuyog daytoy a kapadasan iti maysa a tao nga sumarsarak ti Dios ken naawatna daytoy babaen iti pammati, immuna ti panagbabawi; ken paneknekan ti Espiritu Santo daytoy nga aramid ken kasasaad iti parabor.

(Lukas 18:14; Juan 1:12-13; 3:3-8; 5:24; Aramid 13:39; Roma 1:17; 3:21-26, 28; 4:5-9, 17-25; 5:1, 16-19; 6:4; 7:6; 8:1, 15-17; 1 Corinto 1:30; 6:11; 2 Corinto 5:17-21; Galatia 2:16-21; 3:1-14, 26; 4:4-7; efeso 1:6-7; 2:1, 4-5; Filipos 3:3-9; Colosas 2:13; Tito 3:4-7; 1Pedro 1:23; 1 Juan 1:9; 3:1-2, 9; 4:7; 5:1, 9-13, 18)

## X. Kristiano a Kinasanto ken Naan-anay a Panagsanto



**10.** Mamati tayo nga aramid ti Dios iti panagsanto. Daytoy ti mamagbalbaliw iti maysa a namati tapno agbalin isuna a kalang-langa ni Cristo. Napasamak daytoy gapu iti parabor ti Dios babaen iti Espiritu Santo idi damo a pannakasangtifika, wenna iti pannakaipasngay iti baro a biag babaen iti Espiritu Santo (kakuyogna daytoy iti pannakapalinteg), naan-anay a panagsanto, ken iti agtultuloy a panagtrabaho ti Espiritu Santo agengga a magteng tayo iti makunkuna a glorifikasyon. Daytoy glorifikasyon ket naan-anayen iti panagbalin tayo a kalanglanga ni Cristo.

Mamati tayo nga iti naan-anay a panagsanto ket aramid ti Dios, sakbay na daytoy a kapadasan ket iti pannakaipasngay iti baro a biag babaen iti Espiritu Santo, babaen iti daytoy ket nawayawayaanen ti maysa a namati manipod iti orihinal a basol, wenna biddut, ken naan-anayen iti panangipangpangrunana ti Dios, ken naan-anayen iti panagtulnogna gapu ta nabuyuganen daytoy iti ayat.

Iyeg daytoy babaen iti pannakabautisar wenna panangpennek ti Espiritu Santo, ken maawatan daytoy a kapadasan a kas pannakaugas iti puso manipod iti basol ken iti panagtaeng, agnanayon a presensia iti Espiritu Santo, nga iso iti mangited iti bileg kadagiti namati tapno agbiag ken agserbida.

Naipaay ti Naan-anay a Panagsanto gapu iti dara ni Jesus, apagkanito a naipaay daytoy gapu iti parabor babaen iti pammati, immuna iti naan-anay a panangikonsagrar; paneknekan daytoy nga aramid ken kasasaad ti parabor iti Espiritu Santo.

Maaw-awagan daytoy a kapadasan iti naduma-duma a terminolohiya a mangibagbagi ti naduma-duma a pasamak, kas koma ti “Naan-anay a Kristiano,” “Naan-anay nga ayat,” “nadalus a puso,” “pannakabautisar wenna pannakapennek iti Espiritu Santo,” “naan-anay a bendisyon,” ken “Kinasanto a Kristiano.”

**10.1.** Mamati tayo nga adda ti nagdumaanna ti nadalus a puso ken ti nataengan a katatao. Apagdarikmat a nagun-od ti damo, ti resultana daytoy ket ti naan-anay a panagsanto; ti met resulta iti nataengan a katatao ket ti panagrang-ay iti parabor.

Mamati tayo a kanayon ti parabor ti naan-anay a panagsanto ti gagar a rumang-ay ti parabor a kas ken Cristo a disipulo. No pay kasta, daytoy a gagar ket masapol a gagaraen a parang-ayaen, ken ikkan iti panawenna dagiti banag a kasapulan ken dagiti pamay-an ti naespirituan a irarang-ay ken ti pannakarang-ay iti kababalin ken ugali a kas ken Cristo. No saan a gagaraen dagitoy, ket madadael ti testimonia iti maysa a namati ken saan a rumang-ay ti parabor, ti kamaudiananna ket mapukaw to daytoy.

Iti pannakidanggay kadagiti pamay-an ti parabor, nangruna ti panaglalangen-langen, disiplina, ken dagiti sakramento iti Iglesia, ket rumang-ay dagiti namati babaen ti parabor ken ti naimpusuan a panagayat para iti Apo Dios ken iti kaarruba.

(Jeremias 31:31-34; Ezekiel 36:25-27; Malakias 3:2-3; Mateo 3:11-12; Lukas 3:16-17; Juan 7:37-39; 14:15-23; 17:6-20; Aramid 1:5; 2:1-4; 15:8-9; Roma 6:11-13, 19; 8:1-4, 8-14; 12:1-2; 2 Corinto 6:14-7:1; Galatia 2:20; 5:16-25; Efeso 3:14-21; 5:17-18, 25-27; Filipos 3:10-15; Colosas 3:1-17; 1 Tesalonica 5:23-24; Hebreo 4:9-11; 10:10-17; 12:1-2; 13:12; 1 Juan 1:7, 9)

(“Awan pagkuranganna a Kristiano,” “awan pagkuranganna nga ayat” : Deuteronomio 30:6; Mateo 5:43-48; 22:37-40; Roma 12:9-21; 13:8-10; 1 Corinto 13; Filipos 3:10-15; Hebreo 6:1; 1 Juan 4:17-18; Nadalus a puso: Mateo 5:8; Aramid 15:8-9; 1 Peter 1:22; 1 Juan 3:3)

Pannakabautisar ti Espiritu: Jeremias 31:31-34; Ezekiel 36:225-27; Malakias 3:2-3; Mateo 3:11-12; Lukas 3:16-17; Aramid 1:5; 2:1-4; 15:8-9; Napnoan iti bendisyon: Roma 15:29; Nakristianoan a kinasanto: Mateo 5:1-7:29; Juan 15:1-11; Roma 12:1-15:3; 2 Corinto 7:1; Efeso 4:17-5:20; Filipos 1:9-11; 3:12-15; Colosas 2:20-3:17; 1 Tesalonica 3:13; 4:7-8; 5:23; 2 Timoteo 2:19-22; Hebreo 10:19-25; 12:14; 13:20-21; 1 Pedro 1:15-16; 2 Pedro 1:1-11; 3:18; Judas 20-21)



## XI. Iti Iglesia

**11.** Mamati tayo iti Iglesia, daytoy ti komunidad a mangpaneknek a Dios ni Jesus Cristo, ti nakitulag a tattao ti Dios a napabaro babaen ken Cristo, ti Bagi ni Cristo a natipon-tipon nga inayaban ti Espiritu Santo babaen iti Sao ti Dios.

Inayaban ti Dios iti Iglesia tapnu ipakitana ti biagna babaen iti panagmaymaysa ken iti langen-langen ti Espiritu; ti panagdayaw babaen iti pannakaikasaba ti Sao, panangaramid kadagiti sakramento, ken ministerio babaen iti naganna, babaen iti panagtulnog ken Cristo, nasantuan a panagbiag, ken panagsisinnakit ti maysa ken maysa.

Ti misyon iti Iglesia ditoy lubong ket tapno ibingay ti pannakaisalakan ken ti panangikapia a ministerio ni Cristo babaen iti bileg ti Espiritu. Tungpalin iti Iglesia ti misyonna babaen iti panangiwagawag iti Sao ti Dios, edukasyon, panangipakita iti asi, panangipakita iti hustisya, ken panangsaksi ken panangpaneknek ti pagarian iti Dios.

Ti Iglesia ket maysa a realidad a nabukel sigun iti ayanna a kultura, addaan daytoy iti lokal a kongregasyon ken sapaap a bagi, ken kasta met a naisina a tattao nga inawagan iti Dios para ti nalawag a ministerio. Inayaban iti Dios ti Iglesia tapno agbiag babaen iti lintegna kas panagur-urayna iti panagsubli ni Apo Jesu Cristo.

(Exodo 19:3; Jeremias 31:33; Mateo 8:11; 10:7; 16:13-19, 24; 18:15-20; 28:19-20; Juan 17:14-26; 20:21-23; Aramid 1:7-8; 2:32-47; 6:1-2; 13:1; 14:23; Roma 2:28-29; 4:16; 10:9-15; 11:13-32; 12:1-8; 15:1-3; 1 Corinto 3:5-9; 7:17; 11:1, 17-33; 12:3, 12-31; 14:26-40; 2 Corinto 5:11-6:1; Galatia 5:6, 13-14; 6:1-5, 15; Efeso 4:1-17; 5:25-27; Filipos 2:1-16; 1 Tesalonica 4:1-12; 1 Timoteo 4:13; Hebreo 10:19-25; 1 Pedro 1:1-2, 13; 2:4-12, 21; 4:1-2, 10-11; 1 Juan 4:17; Judas 24; Paltiing 5:9-10)

## XII . Bautismo



**12.** Mamati tayo a ti nakristianoan a bautismo, nga imbilin ni Apo Jesus, ket maysa a sakramento. Iti kaipapananna daytoy ket iti panangawat kadagiti gun-guna iti panangsubbot ni Jesu Cristo, maipaay daytoy kadagiti namati ken panpaneknekanda ti pammatida ken Jesu Cristo a kas Mannubot da, ken ti naan-anay a panagtulnog iti kinasanto ken kinalinteg.

Ti bautismo, kas tanda iti baro a tulag, ket mabalin a mabautisaran dagiti ubbing, nu kiddawen daytoy dagiti nagannak wenna dagiti mangtartaraken kadagitoy nga ubbing, ngem masapol a patalgedanda nga ipaayda ti kasapulan a nakristianoan a pannakasanay. Mabalin a mabautisaran ti maysa a tao babaen iti pannakabarasibis, pannagibukbok, ken pannangirareb, sigun ti tarigagay iti agpabautisar.

(Mateo 3:1-7; 28:16-20; Aramid 2:37-41; 8:35-39; 10:44-48; 16:29-34; 19:1- 6; Roma 6:3-4; Galatia 3:26-28; Colosas 2:12; 1 Pedro 3:18-22)



## XIII . Komunion

**13.** Mamati tayo nga ti Pananglagip ken ti Panagkomunion ket insuro ti Apo ken Mannubbot tayo a ni Jesu Cristo. Maysa daytoy a nangruna a sakramento iti Baro a Tulag. Ispaspidumaag na daytoy iti sakripisyo nga ipapatay ni Jesu Cristo. Babaen iti daytoy, ket naadaan dagiti namati iti biag ken pannakaisalakan ken kari iti amin a naespirituan a bendisyon ken Cristo. Para laeng daytoy kadagiti nakasagana a mangawat iti kaipapananna, ken babaen iti daytoy ket laglagipenda ti ipapatay ni Jesus agengga nga agsublinto manen isuna. Gapu ta daytoy ket fiesta iti komunion, dagiti laeng namati ken Cristo ken addaan iti ayatna ti padana a namati ti mabalin a makiraman iti daytoy a sakramento.

(Exodu 12:1-14; Mateo 26:26-29; Markos 14:22-25; Lukas 22:17-20; Juan 6:28-58; 1 Corinto 10:14-21; 11:23-32)

## XIV. Panangagas ti Dios



**14.** Mamati tayo ti panursuro iti Biblia maipapan ti panangagas ti Dios. Gapu iti daytoy ket awisenmi dagiti tattao a [saraken] ken agkararagda a nabuyugan iti pammati para ti pannakaagas dagiti masaksakit. Mamati tayo met a mangagas met ti Dios babaen iti medisina.

(2 Ar-ari 5:1-19; Salmo 103:1-5; Mateo 4:23-24; 9:18-35; Juan 4:46-54; Aramid 5:12-16; 9:32-42; 14:8-15; 1 Corinto 12:4-11; 2 Corinto 12:7-10; Santiago 5:13-16)



## XV. Ti Maikadua nga lyaay ni Cristo

**15.** Mamati tayo nga umay to manen ni Apo Jesu Cristo. A datayo a sibibiag ket ditayto un-unaan dagiti natayen. Nu nagtalinaed tayo ti pammati tayo ken Cristo ket maikuyog tayo kadagiti nagungar a namati ti ayan dagiti ul-ulep tapno sabatentayo ti Apo sadiay tangatang, iti kasta ket kanayonton nga addatayo ti denna iti Apo.

(Mateo 25:31-46; Juan 14:1-3; Aramid 1:9-11; Filipos 3:20-21; 1 Tesalonica 4:13-18; Tito 2:11-14; Hebreo 9:26-28; 2 Pedro 3:3-15; Paltiing 1:7-8; 22:7-20)

## XVI. Panagungar, Pannakaukom, ken Panungpalan



**16.** Mamati tayo ti panagungar dagiti natay, a mapagungar ti bagi dagiti nasayaat ken dakes ken tumipon danto ti espirituda—"Agungarto a maipaay ti biag nga agnanayon dagiti nagaramid iti naimbag ngem agungarto a maipaay ti pannakadusa dagiti nagaramid iti dakes."

**16.1.** Mamati tayo nga addanto iti pannakaukom. Nga amin ket dumatagto iti sangoanan ti Dios tapno maukom sigun ti naaramidan tayo ditoy a biag.

**16.2.** Mamati tayo a ti nadayag ken agnanayon a biag ket nakasiguradon kadagiti amin a namati ken kadagiti nagtulnog ken ni Apo tayo a Jesu Cristo; ngem dagiti saan a nagbabawi kadagiti basbasolda ken saan a nangawat ken Cristo a kas Mannubbot ken Mangisalakanda ket agnanayon danto nga agsagaba sadiay impierno.

\*Scripture references are supportive of the Articles of Faith and were placed here by action of the 1976 General Assembly but are not to be considered part of the Constitutional text.





# TI SURSURO TAYO MAIPAPAN TI IGLESIA

## Ti Nasantuan a Kristiano nga Iglesia

Makitipon tayo iti ibagbaga ti Biblia maipapan ti “tattao iti Dios,” ken bigbigen tayo a paset tayo iti “maymaysa, nasantuan, sangalubungan, ken iglesia a tinawid tayo kadagiti apostol.” Ti tumipon ti Iglesia ni Apo Jesu Cristo ket bukod ken panagkakadua a saksi iti immun-una ken mangisalakan a parabor iti Dios. Dagiti ministro tayo ket naordenaan “iti Iglesia ti Dios,” ken nalawag a pammaneknek dagiti kongregasyon iti sangalubungan nga iglesia. Patalgedan tayo ti ibagbaga iti Biblia maipapan iti kinasanto ti Dios ken iti Igllesia, nadutukan a pagayusan iti parabor ti Dios ken naipasdek babaen iti Espiritu Santo, nga isu iti mangited iti biag tapno makita iti lubong ni Cristo babaen kenkuana. Panekneknan iti Kristiano nga iglesia ti kinapudno nga iti panagdayaw ken Apo Dios ti pudno a pukos iti tao.

Nu kasta ngarud ket aw-awaganna dagiti managbasol nga agbabawida kadagiti basbasolda ken baliwanda ti wagas iti panagbiagda, taraknenda ti nasantuan a panagbiag babaen iti pannakitipon kadagiti pada a namati ken awaganna dagiti namati iti nasangtifikaran a panagbiag. Gapu ti kinasanto ken kinamatalekna ket ipakpakita iti iglesia ti pagarian ti Dios ditoy lubong, tapnu iti kasta ket pagbiagan iti iglesia ti mensahena.

## **Pannakitunos iti Misyon ti Dios**

Ti Dios ti pagtaudan iti misyon tayo. Daytoy iti misyon ti Dios a namarsua iti lubong, daytoy ket pinarsuana ti tao tapno ipakitana iti imahe ti Dios tapno agsaknap koma daytoy. Ngem idi dinadael iti basol ti pinarsua ti Dios ket naipakaammo ti mangisalkan a misyonna. Daytoy ket “ti pannakaisubli iti dati a kasasaad ken panggep dagiti amin a pinarsua iti Dios.” Kangrunaan ti amin ket ti pannakaisubli iti dati a kasasaadna iti tao.

Inlawlawag ni John Wesley daytoy a kas pannakasangtifika, wenna “ti pannakaisubli ti imahe tayo iti imahe ti Dios,” nailadawan daytoy a kas “kinalinteg ken pudno a kinasanto.” Makita daytoy a misyon ti Dios babaen iti ayabna ken Abrahan, napili tapno babaen kenkuana ket “mabendisyunan dagiti amin a nanasyon” (Genesis 12:1-2). Masarakan daytoy ti pakaistoryaan dagiti Hebreo a nangpaneknek a maymaysa ti Dios, ken iwarwaragawagda ti naganna kadagiti amin a nanasyon.

Mapadpadasan dagiti Kristiano ti Dios a kas Nasantuan a Trinidad, a naan-anay a naipakaammo babaen ken Apo Jesu Cristo. Aw-awisen ken pabpabilgenna tayo ti Espiritu Santo tapno makitipon tayo ti misyon iti Dios. Timmipon ti iglesia ti dayta a tulag ken itultuloyna a bendisyunan ken agasan dagiti nanasyon kas paset iti nasantuan a biagna. Makidanggay tayo kadagiti dadduma a Kristiano iti misyon ti Dios ngem pasien tayo ti sirmata a ti biag iti denominasyon tayo a kas sangalubungan nga iglesia ket awan iti pagbeddenganna, indinto ta nilukatan ni Cristo ti iglesia kadagiti amin a nanasyon ken puli.

## **Panagministerio a kas Panagministerio ni Cristo ditoy Lubong**

Ti nakaibatayan iti nakristianoan a ministerio ket ti bilin a masarakan sadiay Biblia a paneknekan tayo ti ayat iti Dios babaen ken Cristo. Patalgedan dagiti namati ti ministerioda babaen iti pannakabaustimoda. Isu daytoy iti nangipablaak ti publiko a disipulo isudan ni Cristo. Ti natalek a panangdisipulo ket pammaneknek iti parabor ti Dios kadayta; ken kasta met a tanda daytoy iti parabor ti Dios nga agrabtrabaho ditoy lubong gapu ta “Inayat ti Dios iti lubong.” Naikkan iti kabaelan dagiti amin a kameng iti bagi ni Cristo tapno agserbida. Ken kasta met a naordenan a kas ministro dagiti naayaban a mangidaulo. Nagtaud iti ayabda manipud iti nauneg nga awis kadakuada ti Dios.

Dagiti ministro ken laiti iti lokal ken distrito nga iglesia ket ilasin ken paneknekanda ti kinaadda dagiti sagsagot ken talento. Sadiay distrito a panagtutipon ket butusanda dagiti naordenaan a kas ministro. Dagiti dekan ket naordenaan ti ministro. Ngem malaksid iti daytoy ket adda pay sabal inga trabahoda. Saan a kangrunaan a paset iti ministerioda ti pannakaikasaba iti Sao ti Dios ken ti Mangkomunion. Dagiti met makunkuna nga “elders” ket naordenaan tapno sukogenda ti iglesia babaen iti pannakaikasaba iti Ebanghelio, panangaramid kadagiti sakramento, taraknen dagiti tattao babaen iti panagdayaw ke Apo Dios, ken idauloanda ti kongregasyon.

Mabutusan met dagiti superintendente para ti distrito wenno sapasap nga akem babaen iti panagtitiyon dagiti laiti ken dagiti ministro.

Ti akem iti superintendente ti distrito ket naespirituan a panangidaulo ken panangpastor kadagiti masakupanna nga iglesia, kamkameng, ken ministro. Dagiti met makunkuna a sapasap a superintendente wenno “General Superintendents” ket idauloanda ti entero a denominasyon. Manmantinenda ti panagkaykaysa iti iglesia babaen iti doktrina ken kinasanto, agbalinda a modelo ni Cristo babaen iti panagkakadua, ken panangporma ken pannangipakaawat ti sirmata tapnu makidanggay ti sibubukel nga iglesia.

Masapol nga agpaay iti sapasap a sangalubungan iti panagpampanunotda. Isuda iti nadutukan a mangaramid ken mangilawlawag iti sirmata ken kadagiti kasapulan iti naduma-duma a paset iti iglesia, addaanda iti paset para iti pannakabingay-bingay dagiti sanikua para kadagiti agkasapulan a paset iti ministerio tayo ti lubong, ken pagmaymaysaenda ti misyon ken mensahe iti iglesia. Babaen ti pannakaordena dagiti ministro kadagiti distrito a panagu-ummong, ken ti dadduma pay a wagas, ket mantinirenda ti panagkaykaysa iti denominasyon nga addaan iti nagdakkal ti nagdumaanna sigun iti pagilian, ekonomia, puli ken pagsasao.



# TI PORMA ITI GOBIERNO TAYO

Bigbigen dagiti kamkameng iti Iglesia Nazareno a daytoy nga iglesia ket maysa kadagiti pakakitaan iti sapsap nga iglesia. Iti maysa pay ket mamati tayo nga awan ti nalawag nga ibagbaga iti Biblia no ania a kita iti gobierno ti iglesia. No kasta ngarud ket nabukel ti gobierno tayo babaen ti panagtutunos, no lakitdi awan ti labsingenna nga annuroten ti Biblia daytoy a panagtutunos tayo. Mamati tayo a ti misyon iti mangsukog ti iglesia (2013-2017 Manual, Historical Statement, pp. 17-19).

Ti kita iti gobierno iti Iglesia Nazareno ket ti demokrasya a nakaitarusan iti Metodista Episkopalia a gobierno. Daytoy ket ti panagdengngeg iti boses dagiti ministro ken laiti ken ikkana iti patengga ti opisina iti episkopalia. Dagitoy dagiti nangruna nga elemento iti gobierno iti Iglesia Nazareno:

- Addaan tayo iti tallo a tukad iti gobierno:
  1. Butusan dagiti kongregasyon ti mangibagi kadakauda iti tinawen a maang-angay nga asembliya iti distrito.
  2. Butusan dagiti asembliya iti distrito dagiti delegadoda ti sapsap nga asembliya wenno General Assembly, a maang-angay kada uppat a tawen.
  3. Dagiti napagnunomoan sadiay sapsap nga asembliya wenno General Assembly ket masurot ken maipatungpal kadagiti amin a paset iti Iglesia Nazareno.

- Ti sapasap nga asembliya wenno General Assembly ket mangbutos kadagiti sapasap a superintendenti wenno General Superintendents. Isuda ti mangiturong ti ministerio iti sibubukel a denominasyon. Agserbida ti entero a panawen iti sapasap nga asembliya wenno General Assembly ken masapol a mabutusunda kada maangay ti sapasap nga asembliya wenno General Assembly. Kada maysa a sapasap a superintendenti wenno General Superintendents ket nadutukan ti imatonanna a didistrito. Isuda ti mangangay ti asembliya iti distrito ken mang-ordena kadagiti barbaro a ministro. Kadagiti naglablabas a tawtawen ket naduma-duma ti bilang dagiti sapasap a superintendenti wenno General Superintendents, ngem manipod idi 1960 ket nagtalinaed ti bilangda iti innem. Isuda ti nangbukel ti makunkuna a Board of General Superintendents nga agtataripnong iti sumagmamano a daras ti uneg iti maysa a tawen.
- Iti sapasap nga asembliya ket mangbutos iti makunkuna a General Board. Nabukel daytoy ti parehas a bilang iti lanti ken ministro. Tinawen nga agtataripnong daytoy ken mangbutos iti sapasap nga opisyal ken kadagiti direktor kadagiti naduma-duma a departamento. Repasoen na met daytoy dagiti polisiya, kwarta, ken ti pannakaipagna dagiti ministerio iti sibubukel nga Iglesia Nazareno. Nabukel dagiti iglesia kadagiti luglugar ti distrito nga idauloan iti superintendenti iti distrito. Nabukel ti distrito nga iglesia para ti misyon a panggep ken tinawen nga agtataripnong daytoy a kas distrito nga asembliya. Mangbutos iti distrito nga asembliya iti distrito a superintendenti nga iti responsibilidadna ket ti mangtaraken kadagiti iglesia ken papastor, agmula kadagiti babbabaro nga iglesia, ken parang-ayenna ti distrito.
- Ti iglesia mangayab ken mangpili iti agbalin a pastorda. Ngem daytoy ket masapol nga anamungan iti superintendenti ti distrito. Iduloan iti iglesia ti bukodna a kwarta ken pannakaipagnana.
- Natipon-tipon iti rehion ditoy lubong kadagiti didistrito iti Iglesia Nazareno (kaspangarigan iti Rehion ti Afrika, Asya-Pasipiko a Rehion, ken dadduma pay). Dagiti rehion iti lubong ket misyonal a pagkaurnos a saan a panangidaulo.
- Ispasimudaag iti panagtalek a paset a dagiti patakder ken pagyanan iti pastor ket tagikua dagitoy iti distrito.
- Mabalina nga agserbi dagiti lallaki ken babbae ti amin nga akem ken opisina iti Iglesia Nazareno.
- Aw-awagan tayo ti pannakaurnos iti libro ti Iglesia Nazareno a kas Manual. Dagiti uray aniaman a pagbaliwanna daytoy ket maaramid iti sapasap nga asembliya wenno General Assembly.

(Genesis 18:25; 1 Samuel 2:10; Salmo 50:6; Isaias 26:19; Daniel 12:2-3; Mateo 25:31-46; Markos 9:43-48; Lukas 16:19-31; 20:27-38; Juan 3:16-18; 5:25-29; 11:21-27; Aramid 17:30-31; Roma 2:1-16; 14:7-12; 1 Corinto 15:12-58; 2 Corinto 5:10; 2 Tesalonica 1:5-10; Paltiing 20:11-15; 22:1-15)





# ITI IGLESIA

## Iti Lokal nga Iglesia

Kayat iti Iglesia Nazareno a mapadasan dagiti amin a tattao ti manangbalbaliw a parabor ti Dios babaen iti pannakapakawan dagiti basbasol ken pannakaugas iti puso ken Cristo babaen iti bileg ti Espiritu Santo.

Ti kangrunaan a misyon tayo ket ti “pagbalinen a kas ken Cristo a disipulo dagiti nanasyon,” itipon dagiti namati ti langen-langen ken panagmiembro (kongregasyon); ken tapno isuroan dagiti amin a mamati.

Ti kamaudiana a gungunoden iti iglesia ket tapno idatag dagiti amin a namati nga awan pagkurananganda ken Cristo (Colosas 1:28) iti maudi nga al-aldaw.

Sadiay lokal nga iglesia ti pakaangayan iti pannakaisalakan, pannakaperpekto, pannakaisuro ken pannakaibaon dagiti tattao. Ti lokal nga iglesia, ti Bagi ni Cristo, ti mangibagbagi iti pammati ken misyon tayo.

## Ti Distrito nga Iglesia

Nabukel dagiti lokal nga iglesia iti distrito ken rehion.

Nabukel ti distrito babaen kadagiti agkokonektado a lokal nga iglesia tapno palakaenna ti misyon ti kada tunggal maysa a lokal a kongregasyon babaen iti panagtitinnulong, panangibingay kadagiti sanikua, ken panagdadanggay.

Ti superintendenti iti distrito ti mangidaulo iti distrito. Katulunganna ti makunkuna a district advisory board.



## Ti Sapasap nga Iglesia Nazareno

Ti nakaibatayan iti panagkaykaysa iti Iglesia Nazareno ket dagiti patpatienna, gobiernona, kaipapanan ken pamay-an a kas nailanad ken nailawlawag sadiay makunkuna a Manual iti Iglesia Nazareno.

Ti kangrunaan a paset daytoy a panagmaymaysa ket nailanad sadiay Artikulo iti Pammati a masarakan met laeng sadiay Manual. Maawis dagiti amin nga iglesia iti amin a rehion ken linguahe nga ayan iti Iglesia Nazareno nga ipatarus ken iwaras- ken isuro dagitoy a pammati tayo kadagiti amin a kamkameng. Iso daytoy iti nangruna a banag nga mangibaga ken mangilawlawag iti kianaasi-asino tayo ken dagiti amin a banag nga ar-aramiden tayo a kas Nazareno.

Ti nalawag a pakakitaan daytoy a panagmaymaysa ket imparangarang iti sapasap nga asembliya wenno iti General Assembly, nga iso iti “kangangatuan a paset iti Iglesia Nazareno tapno agaramid kadagiti doktrina, linteg, ken addaan iti turay a mangbutos iti Iglesia Nazareno. (Manual 300)

Ti maikadua a pakakitaan ket iti agpaay a sapasap a sangalubungan a General Board nga iso iti mangibagbagi ti entero nga Iglesia Nazareno.

Ti maikatlo a pakakitaan ket ti Board of General Superintendents, nga iso ti mangipatpatarus iti Manual, anamungan no kasano nga maipakat dagitoy kadagiti nadumaduma nga kultura, ken mang-ordena kadagiti naayaban ti ministerio.

Mangibagbi wenno representante iti porma iti gobierno iti Iglesia Nazareno, no kasta ngarud ket saan daytoy a nalabes nga episkopalia ken awan pagpatenggaanna a kongregasionalismo.

Agkukunekta dagiti amin nga Iglesia Nazareno. Ni kaanom ket saan a mapugsat ti tali a namagmaymaysa kadaytoy.

Ngem ania ngay ti nagtaudanna daytoy a nagmaymaysaan tayo? Isuna ket ni Jesu Cristo. (Iglesia Nazareno Manual 2013-2017)



# AGKOKONEKTA NGA IGLESIA

Ti Iglesia Nazareno ket addaan iti nasayaat a “nasantuan a panagkaykaysa.” Saan daytoy a nalukay a panagtitipon-tipon dagiti saggagaysa nga iglesia, wenna daytoy ket panagkakadua dagiti iglesia nga addaan iti maymaysa a panamati ken panggep ngem awan iti pudno a gapu iti panagtitipunda.

Saan a dumawdawat iti despensarna ti Iglesia Nazareno ti panagmaymaysa ken panagtitipun-tipunna.

Ti kayat tayo nga saoen daytoy ket agkakakonekta tayo a lokal a kongregasyon a nabukel iti distrito tapno iwaragawag ti maymaysa a misyon tayo a, “pagbalinen a kas ken Cristo a disipulo dagiti nanasyon.” Ti kari ket addaan iti sungsubatan iti maysa ken maysa para ti misyon tayo ken tapno mantenaren tayo ti kinapudno ken kinadalus iti nagmaymaysaan tayo a pammati.

Kas agkakakonektado nga iglesia ket:

- Nagmaymaysa tayo ti pammati tayo
- Nagmaymaysa tayo dagiti ipatpateg tayo.
- Nagmaymaysa tayo ti misyon.
- Nagmaymaysa tayo kadagiti responsibilidad tayo.

Kanayon ti panagmaymaysa tayo kadagiti responsibilidad ken ti napinansialan a responsibilidad para ti pannakapondo iti misyon tayo babaen ti World Evangelism Fund ken dadduma pay a sagsagot para ti misyon.

Manipud idi 1908, ti Iglesia Nazareno ket pagbalbalinennan a kas ken Cristo a disipulo dagiti nanasyon babaen iti sangalubungan a ministeriona. Lumawlaw, rumangrangay ken umad-ado iti bilangna dagiti luglugar a madandanun iti Iglesia Nazareno. Kabayatan iti panagkararag ken panangited yo ket tumipon kayo kadagiti dadduma a kamkameng tapno mas ad-ado pay iti maaramidan. Kada sagut a maited iti lokal nga iglesiayo ket para ti pannakapondo iti misyon.

Patien iti Iglesia Nazareno ti prinsipyo iti patas a sakripisyo, saan a patas a panagited. Nangruna daytoy a pagtatakderan tayo a nagtaud ti Nasantaun a Surat para ti sangalubungan nga iglesia nga inaynayunna dagiti nababaknang ken marigirigat a paset iti lubong.

Ti World Evangelism Fund ti wagas nga us-usraen iti Iglesia Nazareno a panangpondo kadagiti misyonna. No maminsan ket mangmangngegyo ti pagsasao nga, “Pundoan ti misyon.” Nalawlaw daytoy a pagsasao ngem ti World Evangelism Fund, a maus-usar tapno mabigbig dagiti naduma-duma a wagas a mapundoan iti misyon tayo kadagiti naduma-duma a paset iti lubong.

Nasayaat iti pannakasuporta iti misyon ken ministerio tayo para kadagiti rehion iti Global Misyon tayo. Para ti iglesia ket adda iti dakkal a kaipapananna ti pannakapondo iti misyon babaen iti nabuyugan a sakripisyo a panangited dagiti kaaduan.

No kitaen tayo dagiti nagupgup a kwarta ti entero a lubong, 86.1 porsiento iti nausar para ti ministerio iti lokal nga iglesia. 4.5 met a porsiento para ti ministerio iti distrito. 1.8 porsiento para ti kolehiyo tayo tapno maisuroan ken madisipuloan dagiti estudyante. 7.6 porsiento manipud ti lokal nga iglesia ti mapmapan ti World Evangelism Fund para kadagiti misyonario, sangalubungan a ministerio, ken dadduma pay a naanamungan a misyon.

No madlawyo, dagiti it-itedyo ket mapmapan ti pannakasanay, pannakadisipulo, ken para ti pannakaibingay iti Naimbag a Damag para kadagiti ubbing, agtutubo, ken nataengan. No agited kayo ket makidangdanggay kayo kadagiti amin a kameng iti Iglesia Nazareno; ay-ayatenyo dagiti masaksaktan a tattao, dandanunenyo dagiti napukaw a karkarua ti aglawlaw ti lubong, ken pagbalinen a kas ken Cristo a disipulo dagiti nanasyon.

KASANO NGA PUNDOAN ITI IGLESIA  
NAZARENO TI MISYON NA:

**LOKAL A MINISTERIO  
ITI IGLESIA  
86.1%**

**WORLD EVANGELISM FUND KEN  
NAISINGGINGAYAN A MISYON  
7.6%**

**MINISTERIO ITI  
DISTRITO 4.5%**

**KOLIHIO NGA  
ESKWELAAN 1.8%**

Ti World Evangelism Fund ken naisingsingayan a misyon ket paset iti panagdadanggay tayo—gapu ti daytoy makaipatulod tayo kadagiti misyonario, makasanay kadagiti mangidaulo, ken makaibaon tayo dagiti manursuro tapno iwaragawagda iti Sao ti Dios, mangdisipulo, ken isuroan ti sumarsaruno pay nga henerasyon a Nazareno.

## **Kristiano. Nasantuan. Misyon.**

Maimatmatangan tayo ti pannakatungpal ti sirmata iti damo a sapsap a superintendente (General Superintendent) tayo nga ni Phineas F. Bresse. Manipod pay laeng idi ket ibagbaganan ti maipapan ti “nasantuan a langa” iti Iglesia Nazareno a lawlawlawenna ti lubong a kaduana ti “pannakaisalakan ken kinasanto ken Apo Dios.”

Uray sadinoman a paset iti lubong ti ayan iti kameng iti Iglesia Nazareno ket makidangdanggay isuna ti daytoy a sirmata.

Kada nabalbaliwan a biag ket testimonio iti Wesleyan-Holines a panursuro ti naan-anay a pannakaisalakan para kadagiti amin a tattao.

Ipalpalagip kadaytoy iti misyon tayo nga “pagbalinen a kas ken Cristo a disipulo dagiti nanasyon” nga naikkan tayo iti naespirituan a bilin, ken kasta met a mapagtalkan tayo a katalek kadagiti amin a sanikua nga ipapaay kadaytoy iti Apo.

Nagtaud ti Dios ti misyon tayo. Ti kayatna a saoen daytoy ket kangangatuan ti panggep tayo. Naibanag daytoy gapu ti Espiritu Santo nga agnanaed kadaytoy.

Idinto ta padayawan tayo ti “nasayaat a nagtaudan tayo,” saan a masublianenen daytoy—wenna agtalinaed isuna ti agdama a kasasaadna. Kas pasurot ni Jesus Cristo, masapol a mapan tayo kadagiti sisiudad “a binangon ken inaramid iti Dios” (Hebreo 11:10).

Imatanganyo, pabaroen ti Dios dagiti amin a banbanag!

<sup>1</sup> *Journal of the Twentieth General Assembly, Church of the Nazarene*, (1980): 232. Franklin Cook, *The International Dimension* (1984): 49.

<sup>2</sup> These words are inscribed on each ordination credential.

<sup>3</sup> Roger L. Hahn, “The Mission of God in Jesus’ Teaching on the Kingdom of God,” in Keith Schwanz and Joseph Coleson, eds., *Missio Dei: A Wesleyan Understanding* (2011), 58.

<sup>4</sup> John Wesley, *Sermons, Volume II* (1902), p. 373; John Wesley, *A Plain Account of Christian Perfection*, in J. A. Wood, *Christian Perfection as Taught by John Wesley* (1885), 211.

# NANINIWALA KAMI

1

Ti maymaysa a Dios—ti Ama, Anak, ken ti Espiritu Santo

2

A nainspiraran ti amin a paset ti Daan ken Baro a Tulag, ken nilaonna daytoy kadagiti amin a kinapudno maipapan ti pammati ken ti nakristianoan a panagbiag.

3

A naiyanak ti tao a kas managbasol, no kasta ngarud ket puro dakes ti aramidna.

4

A dagiti saan a nagbabawi kadagiti basbasolda ket awananda iti namnama ken agnanayonen ti pannapukawda.

5

A para kadagiti amin a tattao ti panangsubbot ni Jesu Cristo; ken no siasinoman ti agbabawi kadagiti basbasolna ken mamati ken Cristo ket napalintegen, naipasngay ti baro a biag ken naisalakan manipod ti turay iti basol.

6

A naan-anay ti pannakasanto dagiti namati kalpasan iti pannakaipasnga yda ti baro a biag babaen iti panamati ken Apo Jesu Cristo.

7

A paneknekan iti Espiritu Santo ti pannakaiyana k babaen ti Espiritu ken kasta met ti naan-anay a pannakapasan to dagiti namati ken Cristo.

8

Nga agsublinto manen ni Apo Jesus ket mapagungarto dagiti natay, kalpasanna ket mapasamak ti maudi a pannakaukom.



CHURCH OF THE  
NAZARENE